



74
6641
19



74
641
19



讀禮通考卷第六十八

禮部舊制 喪儀節三十一

喪儀節三十一

國恤三

漢大喪儀

後漢書禮儀志不豫太醫令丞將醫入就進所宜藥嘗
藥監近臣中常侍小黃門皆先嘗藥過量十二公卿朝
臣問起居無閒太尉告請南郊司徒司空告請宗廟告
五嶽四瀆羣祀並禱求福疾病公卿復如禮登遐皇后
詔三公典喪事百官皆衣白單衣白幘不冠閉城門宮
門近臣中黃門持兵虎賁羽林郎中署皆嚴肅衛宮府
各警北軍五校繞宮屯兵黃門令尙書御史謁者晝夜
行陳三公啟手足色膚如禮皇后皇太子皇子哭踊如

廣豐堂卷六

木下中也
1911.4
寄贈



禮沐浴如禮守宮令兼東園匠將女執事黃繇緹繒金

纓玉柙如故事飯哈珠玉如禮禮稽命徵曰天子飯以珠哈以玉

以珠哈以玉漿冰如禮周禮凌人天子與世夷漿冰鄭玄曰夷之言尸也實冰於

以貝百官哭臨殿下是日夜下竹使符告郡國二

千石諸侯王應劭曰凡與郡國守相竹使符皆以竹箭五枚長五寸鐫刻篆

符亦猶竹使符到皆伏哭盡哀漢舊制發兵皆以銅虎符其餘徵調竹

小斂如禮東園匠考工令奏東園祕器表裏洞赤虞文

畫日月烏龜龍虎連璧偃月牙檜梓宮如故事大斂于

兩楹之間五官左右虎賁羽林五將各將所部執虎賁

戟屯殿端門陞左右廂中黃門持兵陞殿上夜漏羣臣

入畫漏上水大鴻臚設九賓隨立殿下謁者引諸侯王

立殿下西面北上宗室諸侯四姓小侯在後西面北上

治禮引三公就位殿下北面特進次中二千石列侯次

二千石六百石博士在後羣臣陪位者皆重行西上位

定大鴻臚言具謁者以聞皇后東向貴人公主宗室婦

女以次立後皇太子皇子在東西向皇子少退在南北

面皆伏哭大鴻臚傳哭羣臣皆哭三公升自阼階安梓

宮內珪璋諸物近臣佐如故事嗣子哭踊如禮周禮珪璋

渠眉疏璧琮以斂尸鄭司農曰渠外有提盧也謂珪璋璧琮琬琰皆為渠渠為眉璋沙

除以斂尸令汁得流去也鄭玄曰以斂尸者以大斂焉加之也渠眉玉飾之溝瑋也以

組穿聯六玉溝瑋之中以斂尸珪在左璋在首琬在右瑋在東園匠武士下

足璧在背崇在腹蓋取象方明神之也疏璧琮者通於天地釘衽截去牙

喪大記曰君蓋用漆三衽太常上太牢奠太官食

監中黃門尚食次奠執事者如禮太常大鴻臚傳哭如

儀三公奏尚書顧命太子即日即天子位于柩前請太

子即皇帝位皇后為皇太后奏可羣臣皆出吉服人會

如儀太尉升自阼階當柩御座北面稽首讀策畢以傳

國玉璽綬東面跪授皇太子即皇帝位中黃門掌兵以

玉具隨侯珠斬蛇寶劍授太尉告令羣臣羣臣皆伏稱
萬歲或大赦天下遣使者詔開城門宮門罷屯衛兵羣
臣百官罷人成喪服如禮兵官戎文帝遺詔無布車及兵器三公
太常如禮故事百官五日一會臨故吏二千石刺史在
京都郡國上計掾史皆五日一會天下吏民發喪臨三
日文帝遺詔先葬二日皆且晡臨既葬釋服無禁嫁娶祠祀文帝遺詔
遺詔文有飲酒食肉自當給喪事服臨者皆無踐踐徒跣也佐吏以下布衣冠幘經帶無過三
寸臨庭中文帝遺詔武吏布幘大冠大司農出見錢穀給六丈
布直以葬大紅十五日小紅十四日織七日釋服應劭曰紅者中
祥大祥以紅為領緣織禫也凡三十六日而釋部刺史二千石列侯在國者及關內侯
宗室長吏及因郵奉奏諸侯王遣大夫一人奉奏弔臣
請驛馬露布奏可以木為重高九尺廣容八厯裏以葦
席巾門喪帳皆以簞車皆去輔幡疏布惡輪走卒皆布

禭憤太僕四輪轉為賓車大練為屋幕中黃門虎賁各
二十人執紼司空擇土造穿太史卜日謁者二人中謁
者僕射中謁者副將作油緹帳以覆坑方石治黃腸題
湊便房如禮漢舊儀略載前漢諸帝壽陵曰天子即位明年將作大匠營陵
丈武帝墳高二丈明中高一丈七尺四周二丈內梓棺柏黃腸題湊以次百官
藏畢其設四通羨門容大車六馬皆藏之內方外陟車石外方立先閉劔戶戶設
夜龍莫邪劔伏弩設伏火已營陵餘地為西園后陵餘地為燎好以下次賜親屬
功臣漢書音義曰題頭也湊以頭向內所以為固也便房藏中便坐也皇覽曰漢
家之葬方中百步已穿築為方城其中開四門四通足放六馬然後錯渾雜物
漆棺綺金寶米穀及埋車馬虎豹禽獸發近郡卒徒置將軍尉侯以後宮貴幸者
皆守園陵元帝葬乃不用車馬禽獸等物大駕太僕御方相氏黃金四目蒙熊皮
玄衣朱裳執戈揚楯立乘四馬先驅周禮曰方相氏大喪先驅
方良鄭玄曰方相放想也可畏怖之貌曠穿地中也方良罔兩旂之制長三
也天子之椁柏黃腸為裏表以石焉國語曰木石之怪夔罔兩初十有二游曳地畫日月升龍書旒曰天子之柩謁者
二人立乘六馬為次大駕甘泉鹵簿金根車蘭臺法
駕喪服大行載飾如金根車皇帝從送如禮太常上啓

奠夜漏二十刻太尉冠長冠衣齋衣乘高車詣殿止車
門外使者到南向立太尉進伏拜受詔太尉詣南郊未
盡九刻大鴻臚設九賓隨立羣臣入位太尉行禮執事
皆冠長冠衣齋衣太祝令跪讀諡策太尉再拜稽首治
禮告事畢太尉奉諡策還詣殿端門太常上祖奠中黃
門尙衣奉衣登容根車東園武士載大行司徒卻行道
立車前治禮引太尉入就位大行車西少南東面奉策
太史令奉哀策立後太常跪曰進皇帝進太尉讀諡策
藏金匱皇帝次科藏于廟太史奉哀策葦篋詣陵太尉
旋復公位再拜立哭太常跪曰哭大鴻臚傳哭十五舉
音止哭太常行遣奠皆如禮請哭止哭如儀晝漏上水
請發司徒河南尹先引車轉太常跪曰請拜送載車著
白系參繆紉長三十丈大七寸爲輓六行行五十八公

卿以下子弟凡三百人皆素幘委貌冠衣素裳校尉三
人皆赤幘不冠絳科單衣持幢幡候司馬丞爲行首皆
銜枚羽林孤兒巴俞擢歌者六十人爲六列鐸司馬八
人執鐸先大鴻臚設九賓隨立陵南羨門道東北面諸
侯王公特進道西北面東上中二千石二千石列侯直
九賓東北面西上皇帝白布幕素裏夾羨道東西向如
禮容車幄坐羨道西南向車當坐南向中黃門尙衣奉
衣就幄坐車少前太祝進醴獻如禮司徒跪曰大駕請
舍太史令自車南北面讀哀策掌故在後已哀哭太常
跪曰哭大鴻臚傳哭如儀司徒跪曰請就下位東園武
士奉下車司徒跪曰請就下房都導東園武士奉車入
房司徒太史令奉諡哀策

晉時有人嵩高山下得竹簡一枚上有兩行科
斗書之臺中外傳以相示莫有知者司空張華

禮記曰
明器神

四

以問博士東晉曰此明帝顯節陵
中策也檢校果然知策用此書也

明之也孔子謂為明器知喪道矣備物而不可用也鄭玄注既夕曰陳明器以西南端為上也其容蓋與簋同 黍一稷一麥一梁一稻一麻一菽一小豆一蕷

三容三升醯一醢一屑鄭玄注既夕曰屑薑桂之屑黍餼載以木桁覆

以疏布甌二容三升醴一酒一載以木桁覆以功布瓦

鐙一彤矢四軒輶中亦短衛彫矢四骨鏃短衛既夕曰鏃矢一乘骨鏃短衛鄭玄注曰鏃猶候也候物而射之矢也四矢曰乘骨鏃短衛示不用也生時鏃矢金鏃凡為矢五分奇長而羽其一通俗文曰細毛猴也彤弓

一卮八牟八鄭玄注既夕曰牟盛湯漿豆八籩八形方酒壺八槃匱一具

鄭玄注既夕曰槃匱盥器也 杖几各一蓋一鍾十六無虞禮記曰有鍾磬而無簋四無虞爾雅曰大

鍾謂之鏞郭璞注曰書曰笙鏞以間亦名鏞 磬十六無虞禮記曰有鍾磬而無簋壘一簫四

笙一箎一祝一擢一瑟六琴一竽一筑一坎侯一禮記曰琴瑟張而不平竽笙備而不和干戈各一竿一甲一冑一既夕謂之役器輓車九

乘芻靈三十六匹鄭玄注禮記曰芻靈束茅為人馬謂之芻靈神之類瓦竈二瓦釜二瓦

甌一瓦鼎十二容五升匏勺一容一升瓦案九瓦大杯

十六容三升瓦小杯二十容二升瓦飯槃十瓦酒罇二

容五升匏勺二容一升祭服衣送皆畢東園匠曰可哭

在房中者皆哭太常大鴻臚請哭止如儀司徒曰百官

事畢臣請罷從入房者皆再拜出就位太常導皇帝就

贈位司徒跪曰請進贈侍中奉持鴻洞贈玉珪長尺四

寸薦以紫巾廣袤各三寸緹褰赤纁周緣贈幣玄三纁

二各長尺二寸廣充幅皇帝進跪臨羨道房戶西向手

下贈投鴻洞中三東園匠奉封入藏房中太常跪曰皇

帝敬再拜請哭大鴻臚傳哭如儀太常跪曰贈事畢皇

帝促就位續漢書曰明帝崩司徒鮑昱典喪事葬日三公入安梓宮還至羨道

何冒危險不以容根車游載容衣司徒至便殿並聲騎皆從

容車玉帳下司徒跪曰請就幄導登尙衣奉衣以次奉

器衣物藏於便殿太祝進醴獻几下用漏十刻禮畢司

空將校復土皇帝皇后以下皆去麤服服大紅還宮反
廬立主如禮桑木主尺二寸不書諡虞禮畢祔於廟如
禮先大駕日游冠衣于諸宮諸殿羣臣皆吉服從會如
儀皇帝近臣喪服如禮驛大紅服小紅十一升都布練
冠驛小紅服織驛織服留黃冠常冠近臣及二千石以
下皆服留黃冠百官衣阜每變服從哭詣陵會如儀祭
以特牲不進毛血首司徒光祿勳備三爵如禮

漢舊儀高皇帝崩三日小斂室中牖下作栗木主長
八寸前方後圓圍一尺置牖中望外內張絲絮以障
外以皓木大如指長三尺四枚纏以皓皮四方置牖
中主居其中央七日大斂棺以黍飯羊舌祭之牖中
已葬收主爲木函藏廟太室中西牆壁垆中去地六
尺一寸當祠則設座於垆中下祠之出主置篋蓋上

立之牖中高皇帝主長九寸上林給栗木長安祠廟
作神主東園祕棺則梓棺素木長丈三尺崇廣四尺
高皇帝崩哈以珠纏以緹繒十二重以玉爲襦如鎧
狀連縫之以黃金爲縷腰以下玉爲札長尺二寸半
爲柙下至足亦縫以黃金爲縷請諸衣衾斂之凡乘
輿衣服已御輒藏之崩皆以斂

光武紀中元二年二月戊戌帝崩于南宮前殿

趙熹傳帝崩熹爲太尉受遺詔典喪禮時藩王皆在京
師自王莽篡亂舊典不存皇太子與東海王等雜止同
席熹乃正色扶下諸王以明尊卑顯宗崩熹復典喪事
再奉大行禮事脩舉

順帝紀永平十八年八月壬子帝崩遺詔無起寢廟藏
主于光烈皇后更衣別室

神帝紀帝崩太后以揚徐盜賊強盛恐驚擾致亂欲須所徵諸侯王到乃發喪李固對曰帝雖年幼猶天下之父今日崩亡人神感動豈有臣子反共掩匿乎昔秦皇亡于沙丘胡亥趙高隱而不發卒害扶蘇以亡國近北鄉侯薨閭后兄弟及江京等亦其掩蔽遂有孫程手刃之事此天下大忌不可之甚也太后從之

趙典傳典為厨亭侯帝崩時禁藩國諸侯不得奔弔典獨慨然解印綬符策付縣而馳到京師州郡及大鴻臚並執處其罪公卿百寮嘉典之儀表請以租自贖詔書許之

宋書後漢世諸帝不豫並告泰山弘農廬江常山潁川南陽河東東郡廣陵太守禱祠五嶽四瀆遣司徒分詣郊廟社稷

魏晉六朝大喪儀

通典魏武王以禮送終之制襲稱之數繁而無益俗又過之先自制送終衣服四篋題識其上春秋冬夏日有不諱隨時以斂金珥珠玉銅鐵之物一不得送

文帝黃初三年作終制見山帝崩國內服三日

四年制曰飯含無以珠玉無施珠襦玉柩昔季孫以璣璠斂孔子譬之暴骸中原

景初中明帝崩于建始殿殯于九龍殿三國志明帝紀景初三年帝崩于嘉福殿魏書殯于九龍殿此云崩于建始殿似誤

稱玄孫之子云何王肅曰禮稱曾孫某謂國家也荀爽

鄭玄說皆云天子諸侯事曾祖以上皆稱曾孫又訪案

漢既葬容衣還儒者以為宜如文皇帝故事以存時所

服王肅曰禮雖無容衣之制今須容衣還而後虞祭宜

依尸服卒者上服之制生時褻服可隨所存至於制度則不如禮孔子曰祭之以禮亦謂此也諸侯之上服則今服也天子不爲命服然亦所以命服之上也案漢氏西京故事月游衣冠則容衣也言冠以正服不以褻衣也尚書又訪容衣還羣臣故當在帳中當填衛見王肅曰禮不墓祭而漢氏正月上陵神座在西序東向百辟計吏前告郡之穀價人之疾苦欲先帝魂靈聞知時蔡邕以爲禮有煩而不可去事亡如存況今無填衛之禁而合於如事存之意可見於門內拜訖入帳臨乃除服晉書武帝紀太熙元年帝崩于含章殿
通典晉尚書問今大行崩含章殿安梓宮宜在何殿博士卞權楊雍議曰臣子尊其君父必居之以正所以盡孝敬之心今太極殿古之路寢梓宮宜在太極殿依周

人殯于西階又問既殯之後別奠下室之饌朝夕轉易諸所應設祭朔望牲用宜所施行案禮具荅權雍議案禮天子日食少牢月朔太牢喪禮下室之饌如他日宜隨御饗朝夕所常用也朔望則奠用太牢備物又問案景帝故事施倚廬于九龍殿上東廡今御倚廬爲當在太極殿不諸王廬復應何所權琳議尚書顧命成王崩康王居于翼室先儒云翼室於路寢今宜於太極殿上諸王宜各於其所居爲廬朝夕則就位哭臨
晉書禮志魏氏故事國有大喪羣臣凶服以帛爲綬囊以布爲劔衣新禮以傳稱去喪無所不佩明在喪則無佩也更制齊斬之喪不佩劔綬摯虞以爲周禮武賁氏士大夫之職也皆以兵守王宮國有喪故則衰葛執戈楯守門葬則從車而哭又成王崩太保命諸大夫以干

戈內外警設明喪故之際蓋重宿衛之防去喪無所不佩謂服飾之事不謂防禦之用宜定新禮布衣劍如舊其餘如新制詔從之

漢魏故事將葬設吉凶鹵簿皆有鼓吹新禮以禮無吉駕導從之文臣子不宜釋其衰麻以服玄黃除吉駕鹵簿又凶事無樂過密八音除凶服之鼓吹摯虞以為葬有祥車曠左則今之容車也既葬日中反虞逆神而還春秋傳鄭大夫公孫蕙卒天子追賜大路使以行士喪禮葬有稟乘車以載生之服此皆不惟載柩兼有吉駕之明文也既設吉駕則宜有導從以象平生之容明不致死之義臣子衰服不得為身而釋以為君父則無不可顧命之篇足以明之宜定新禮設吉服導從如舊其凶服鼓吹宜除詔從之

南齊書建武二年正月有司以世祖文皇帝今二年正月二十四日再忌日二十九日大祥三月二十九日祥禫至尊及羣臣泄哀之儀應定準下二學八座丞郎博士陶韶以為名立義生自古之制文帝正號祖宗式序昭穆祥忌禫日皇帝宜服祭服出太極泄哀百僚亦祭服陪位太常丞李撫議曰尋尊號既追重服宜正但已從權制故苴杖悉說至於鑽燧既同天地亦變容得無感乎且晉景獻皇后崩羣臣備小君之服追尊之后無違后典追尊之帝固宜同帝禮矣雖臣子一例而禮隨時異至尊龍飛中興事非嗣武理無深衣之變但王者體國亦應弔服出正殿舉哀百僚致慟一如常儀給事中領國子助教謝墨濟議夫喪禮一制限節兩分虞祔追亡之情小祥抑存之禮斯蓋至愛可申極痛宜屈爾

文皇帝雖君德早疑民化未洽追崇尊極實緣於性今
言臣則無實論已則事虛聖上馭寓更奉天眷祇禮七
廟非從三后周忌祥禫無所依設大學博士崔愷同陶
韶議太常沈淡同李撝議國子博士劉警等同謝墨濟
議祠部郎何佟之議曰春秋之旨臣子繼君親雖恩義
有殊而其禮則一所以敦資敬之情篤方喪之義主上
雖仰嗣高皇嘗經北面世祖方今聖歷御宇垂訓無窮
在三之恩理不容替竊謂世祖祥忌至尊宜弔服升殿
羣臣同致哀感事畢百官詣宣德宮拜表仍致哀陵園
以引追遠之慕尙書令王晏等十九人同佟之議詔可
通典陳永定三年七月武帝崩新除尙書左丞庾持稱
晉宋以來皇帝大行儀注未祖一日告南郊太廟奉策
奉謚梓宮將登輜輶侍中版奏已稱某謚皇帝今遣奠

出於階下方以此時乃讀哀策而前代策文猶稱大行
皇帝請明加詳正國子博士領步兵校尉知禮儀沈文
阿等謂應邵風俗通前帝謚未定臣子稱大行以別嗣
主近檢梁儀自梓宮將登輜輶版奏皆稱某謚皇帝登
輜輶伏尋今祖祭已奉哀謚哀策旣在庭遣祭不應猶
稱大行且哀策篆書藏于玄宮謂依梁儀稱謚以傳無
窮詔可

唐大喪儀

通典唐元陵儀注將復於太極殿內高品五人皆常服
以大行皇帝衮冕服左荷之升自前東霤當屋履危北
面西上三呼而止以衣投於前承之以篋自阼階入以
覆大行皇帝之上復者徹殿西北扉降自後西霤其復
衣不以襲斂浴則去之旣復乃設御牀於殿內楹間去

脚舒單簞置枕遷大行皇帝於牀南首以衣覆體去死衣楔齒用角柶綴足以燕几校在南其殿內東西哭位嗣皇帝以下舒草薦焉奠用酒脯醢器用吉器如常儀其告喪之禮使至所在集州縣官及僧道將吏百姓等於州府門外並素服各以其方向京師重行序立百姓在左僧道在右男子居前婦人居後立訖使者立於官長之左告云上天降禍大行皇帝今日奄棄萬國刺史以下撫膺哭踊盡哀止哭使者又告云大行皇帝有遺詔遂宣訖刺史以下又哭十五舉聲使者又告皇帝伏準遺詔以今日某日卽位刺史以下再拜稱萬歲者三百姓及州縣佐史朝夕巷哭各十五舉聲三日釋服節度觀察團練使刺史並斬衰經杖諸文武官吏服斬衰無經杖大小祥釋服並準遺詔其有敕書使者宣

告如常禮

右復遷尸告喪

將沐浴內有司爲盥于殿西廊下累塊爲竈東面以俟煮沐浴新盆盤瓶鬲皆濯之陳於西階下掘堦於西階之西陳明衣裳於其側帛巾一方尺八寸沐巾二浴巾四皆用帛練櫛及浴衣各實於篋將沐浴內掌事者奉米潘及湯各盛以甕并沐盤升自西階授沐者以人嗣皇帝妃公主等悉出帷外嗣皇帝以下在殿東楹間北面西上內命婦以下在殿西間北面東上俱立哭既沐而櫛將浴內執事者六人抗衾御者四人浴拭以巾拒用浴衣設牀於大行東衽下莞席上簞浴者舉大行易牀設枕理其鬚髮斷爪盛於小囊大斂卽內於棺中也著明衣裳以方巾覆面以大斂之衾覆之內外入就位

哭

右沐浴

內有司奉盤水升堂嗣皇帝出盥手於帷外洗玉若貝實筭執以八西面坐發巾徹枕奠玉貝於中之右大臣一人親納梁飯次含玉既含訖嗣皇帝復位執服者陳襲衣十二稱實以箱篚承以席去巾加面衣訖設充耳著握手及手衣納舄乃襲既襲覆以大斂之衾乃開帷內外俱入復位哭

右含襲

將小斂內外各隨職備辦尚食先具太牢之饌厥明而小斂於斂前三刻侍中版奏請中嚴御府令設小斂牀於大行西南首枕席備焉加以幄帷周以素帷主衣先率所司陳小斂之衣十九稱及絞衾於殿中間之東席

上南領西上小斂前二刻開宮殿諸門諸衛各勒所部仗衛如常式設百官位次及二王後三恪等位又設內外命婦等拜哭位小斂前一刻侍中奏外辦禮儀使引嗣皇帝及皇子等扶引各即位從臨者哭內謁者引諸王等進就位百官亦入就位執禮者稱哭在位者皆哭侍御小臣升殿先布衣於絞上乃遷於衣上舉衾而斂以次加衣十九稱畢乃結絞而衾焉近侍扶嗣皇帝哭進跪馮大行興哭踊無數扶引還次

右小斂

尚食奉饌入列于殿東太常博士引司徒省饌省訖奉饌升設於大行東齋即取爵於篚受酒爵跪奠興嗣皇帝以下哭踊如初諸行事者應退者降退奉禮郎稱止謁者引諸王還內省禮儀使奏嗣皇帝哭止近侍扶引

退便次內外侍臨者代哭不絕聲百官退位如常式

右小斂奠

其日大斂前三刻侍中版奏請中殿內外皆哭御府先設大斂牀於大行皇帝西南首枕席幃帳如初所司先陳大斂之衣百二十稱及絞紵衾并六玉於殿兩楹之東席上南領西上衣必朝祭及五時正服前二刻開宮殿諸門諸衛各勒所部陳設如常儀設皇帝位於殿東間西向前一刻引諸王以下就位皇帝於皇帝位東稍北西向南上皇子於皇弟之東亦南上皇叔在皇帝位北稍西南向西上皇叔祖次皇叔之東皇從父兄弟在皇子北稍東南上諸公主長公主大長公主以下並於西間北牖下西上通事舍人引百僚並人依班序立侍中版奏外辦內高品扶皇帝就位立定典儀曰再拜禮

儀使奏請再拜皇帝哭踊再拜在位者皆哭踊再拜十
五舉聲禮儀使奏請止哭內外皆止哭內高品扶皇帝
就次諸王公主以下百寮各就次中宮內官掌事者皆
盥訖升斂如小斂次加衣畢乃以組連珪璋璧琮琥璜
六玉而加焉所司以梓宮龍輜紼等入陳於殿西階下
至時司空引梓宮升自西階置於大行皇帝西南首加
七星版於梓宮內其合施於版下者並先置之乃加席
褥於版上以黃帛裹施仰薨畫日月星辰龍龜之屬施
於蓋陳衣及六玉斂訖中官掌事者奉大行皇帝即梓
宮內所由先以白素版書應入梓宮內一物以上稱名
進入梓宮然後加蓋事畢覆以夷衾

右大斂

皇帝至位哭內外皆就位哭太祝酌酒進授皇帝執爵

進奠於饌前少退禮儀使奏請止哭內外皆止哭太祝跪讀祝文曰維某年月日哀子嗣皇帝臣某敢昭告于考大行皇帝日月過速奄及大斂攀號擗踊五內屠裂謹以一元大武柔毛剛鬣明粢薌合薌奠嘉蔬嘉薦醴齊尚饗其後祝文大約準此讀訖皇帝再拜哭踊在位者皆再拜哭踊十五舉聲禮儀使奏止哭左右高品扶皇帝還次諸王公主以下各還次百寮序出

右大斂奠

大斂訖所司設太常畫日月十有二旂杠九仞旂委地大斂之後分置殿庭之兩階又設銘旌以絳廣充幅長二丈九尺題曰某尊號皇帝之柩立於殿下

右設銘旌

設重於殿庭近西南其制先刊鑿木長丈二尺橫者半之取沐之米爲粥盛以八鬲幕以疏布懸於重內橫木上以葦席北向屈兩端交於上綴以竹篋

右懸重

既大斂內所由執龍輅左右綽引梓宮就西間將監引所由并柏鑿等升自西階所由設熬黍稷盛以八筐加魚腊等於龍輅側南北各一筐東西各三筐設訖於西面壘之先以繡黼覆梓宮又張帟三重更以柏木方尺長六尺題湊爲四阿屋以白泥四面塗之攢事訖所司設靈幄於攢宮東東向施几案服御如常儀侍臣捧衰裳冠經杖盛以箱就次進皇帝服訖諸王公主以下及百寮亦各服其服光祿卿率齋郎捧饌入禮儀使引升陳設訖禮儀使就位奉引皇帝至位哭內外皆就位哭

右殯

既定陵地擇地使就其所卜筮之將卜使者吉服掌事者先設使以下次於陵地東南使者至陵地待於次太常卿泣卜服祭服祝及卜師筮師凡行事者皆吉服掌事者布筮席於之宮位南北向西上贊者引泣卜者及太祝立於筮席西南東南向上下師立於太祝南東面北上贊者引使者詣卜筮席南十五步許當之宮位北向立贊者立於使者之左少南俱北向立定贊者少進東面稱事具退復位泣卜者進立於使者東北西面卜師抱龜筮師開轅出策兼執之執轅以擊策進立於泣卜者前東面南上泣卜者命曰維某年月朔日子哀子嗣皇帝某謹遣某官某乙奉為考大行皇帝度茲陵兆無有後艱卜師筮師俱曰諾遂述命於右旋就席北坐命龜曰假爾泰龜有常命筮曰假爾泰筮有常遂卜筮

訖輿各以龜筮東面占曰從還本位贊者進使者之左東面稱禮畢贊者遂引使者退立於東南隅西面若不從又擇地卜筮如初儀

右將葬筮宅

啟前十日皇帝不坐以過山陵前啟一日門下省奏某日某時啟太極殿橫宮啟日之晨奉禮部設御位於太極殿之東間當帷門西向諸王位在後以南為上與儀設鄴公介公皇親諸親文武九品以上及前資常參官都督刺史版位於太極殿中庭又設蕃客酋長位於承天門外之西僧道位於承天門外之東並以北為上左右金吾與諸軍計會量抽隊仗隨便設禁其日質明皇帝服初衰經杖入就位晨哭諸王具衰經去杖就位哭鄴公介公皇親諸親等及文武九品以上各服初喪服

去杖入就位哭大長公主長公主郡縣主等亦衰服入就內位哭中官皆布巾喪馭侍衛晨哭並再拜退位通事舍人引蕃客酋長及僧道分立於承天門外之位啟前二刻內所由設奠席及香燭於帷門之外奉禮郎設壘洗於東階下西南北面壘水在洗東篚在洗西南肆設太尉版位於東南西向設司空位於太尉位之南少退禮生一人執拂梓宮之巾陪其後設禮儀使位於太尉之北少退禮官等陪後設監察使位於禮儀使之下光祿卿具太牢之饌俟於東階下又於饌上設罇坵位於奠席東南北向加酌罇禮儀使立於罇坵東御史立於罇坵西太祝奉禮郎立於罇坵南爲位禮官在禮儀使後啟前一刻侍中版奏外辦禮官贊執事官入就階下位禮儀使等橫行以西爲上再拜訖升就位禮

官省饌訖贊光祿卿引饌升自東階列帷門外席上近侍引皇帝具衰經入就位哭踊禮儀使前進跪奏請再拜皇帝再拜諸王妃主等並各就位晨哭禮生引太尉通事舍人分引羣官各入就位禮官贊太尉再拜又一人贊羣官再拜哭十五舉聲禮官各贊止哭禮生引太尉詣壘洗盥手洗爵升自東階詣罇坵所太祝舉罇酌醴齊以授太尉禮儀使跪奏請皇帝止哭奉皇帝之杖前進中官承傳止哭殿內皆止哭太尉以醴齊於皇帝之左跪進醴齊皇帝受醴齊跪奠於饌前俛伏興少退立太祝持版進北面跪讀祝文訖奠版俛伏興退復位皇帝再拜哭踊殿內及庭中文武九品以上皇帝諸親等皆哭十五舉聲止禮儀使跪奏獻畢請皇帝退復位禮官引太尉及禮儀使降復階下位所由徹饌執事官

序降訖皇帝退就次禮生引司空執巾升自東階於櫓
宮南北向立司空跪啟曰謹以吉辰啟櫓塗告訖太尉
哭羣官皆哭通事舍人分引羣官序出掌事者升徹櫓
塗徹訖司空以巾拂拭梓宮覆以夷衾綃幕內所由周
迴設帷及施常食之奠如常儀訖禮儀使升就舊位禮
官陪後皇帝衰經就位哭通事舍人分引羣官入就位
皇帝稽顙禮儀使請再拜皇帝哭盡哀禮儀使跪奏請
止哭降出羣官再拜哭十五舉聲訖又序出太極門外
北向重行立班奉慰如常儀退

右啟殯

前二日所司設文武羣官次於太極門外東西廊下又
設帳殿於庭帳內設吉幄幄內設神座南向又設龍輜
素幄於殿庭吉幄之右前一日午正後一刻除殿上羣

陣及階下凶庭并板城少府所由移輓附於重北未正
後一刻典儀設羣官夜哭版位如晨夕哭儀又設挽歌
席位於嘉德門內設挽郎挽士席位於嘉德門外竝左
右序設北向相對設鼓吹嚴警位於承天門外晝漏未
盡三刻有司設庭燎終夜通事舍人分引羣官就版位
立定禮官贊哭哭畢退就次挽歌作盡二點止嚴警次
發盡五點止二更羣官哭及挽歌鼓吹嚴警如上儀其
三更四更五更竝準此其一日前二刻奉禮郎設御座
所由設奠席奉禮設盥洗及禮儀使太尉版位於東階
下光祿卿具太牢饌竝如啟奠之儀前一刻侍中進奏
外辦禮官省饌光祿卿引饌禮生引太尉禮儀使等橫
陳再拜訖升殿通事舍人分引羣官入就位亦如啟奠
之儀禮儀使跪奏請皇帝止哭奉奠皇帝去杖前進中

官承傳止哭殿內止哭太尉以醴齊於皇帝之左跪進
皇帝受醴齊跪奠於饌前俛伏與少退立大祝持祝版
進北面跪讀祝文訖奠版俛伏與退復位皇帝再拜哭
踊殿內及庭中文武官九品以上皇帝諸親等皆哭十
五舉聲止禮儀使跪奏獻畢請皇帝退復位禮官引太
尉降復階下位所由徹饌執事官序降內所由徹殿上
帷帳唯南北施素帷於舊帳坐所以爲障蔽前設常食
少府監進輜車於西階下禮儀使跪奏皇帝奉甯龍輜
奏訖降出近侍扶皇帝就龍輜前哭踊盡哀乃復位執
事者以纛旒及重先導禮官一人朝服贊尙輦奉御帥
腰輿繖扇至神座前侍奉如常儀內侍捧几置輿上繖
扇侍奉至殿庭帳殿下神座前跪置座上內謁者帥中
官設香案於座前繖扇侍奉如儀禮官一人引符寶郎

一人主寶二人以赤黃褥案進取諡寶又禮生二人亦
以赤黃褥案進取諡冊禮官授之竝隨禮官先詣冊車
安置其舊寶冊準次取置於車侍中當龍輜南跪奏請
龍輜降殿太常卿帥執鬻者升以鬻障梓宮中官高品
等侍奉其側司徒帥挽士升奉引龍輜降殿禮儀使引
近臣及宗子三等以上親進捧梓宮少府將作所由并
挽士奉梓宮登于龍車上遂詣帳殿下素幄皇帝哭從
諸王等陪從公主內官等周以行帷皆哭踊而從羣官
立哭於庭中位以俟祖奠

右遷柩

祖前一刻奉禮郎設御位於龍輜幄之東南西向所由
設奠席於龍輜幄前奉禮郎設罇坫於帳幄東南又設
太尉位於罇坫東南西向禮儀使在其下監察御史次

之又設罍洗篚於太尉位西南北向光祿卿帥齋郎捧
饌俟於橫街之次北面西上禮官進省饌訖禮生贊光
祿卿捧俎進跪奠於席上諸齋郎捧饌隨列於席上禮
生引禮儀使及太尉就位禮官贊哭又一人贊羣官哭
又各贊止哭禮儀使導皇帝立於龍輜之東南西向禮
生引太尉詣罍洗盥手洗爵執詣罇坫所太祝舉罍酌
醴齊以授太尉禮儀使跪奏請皇帝止哭奉奠皇帝去
杖前進中官承傳止哭諸王妃主等皆止哭太尉以醴
齊於皇帝之左跪進皇帝受醴齊跪奠於饌前俛伏興
少退立太祝持祝版進北面跪讀文訖奠版俛伏興退
復位皇帝哭踊再拜諸王妃主及羣官在位者皆哭再
拜皇帝哭十五舉音訖禮儀使跪奏請復位俛伏興皇
帝退復龍輜後位禮官各贊羣官止哭通事舍人分引

出就承天門外位以俟光祿卿帥齋郎徹饌以出禮官
一人朝服贊尚輦奉御帥所由以腰輿繖扇詣神座前
各以序立內謁者中官昇香出內侍捧几置輿上內所
由舉繖扇侍奉以出中官帥其屬昇衣箱以從遂詣玉
輅禮官於輅後立贊登車內所由進輿當輅後繖扇分
蔽左右內謁者帥香案進於輅前內侍奉几登輅其腰
輿亦進居輅前中官以衣箱授尚衣奉御置玉輅及副
車內侍竝乘馬從輅於是侍中進龍輜南跪奏稱請龍
輜進發俛伏興退司徒帥挽士奉引次出執事者以太
常先建之於車燾次之公主內官以下應合乘車者竝
先升車以俟扈從

右祖奠

前三日所司設皇帝奉辭次於承天門外之左西向其

日金吾仗衛如常儀鹵簿使先進玉輅於承天門外東偏稍南輿輦鼓吹吉駕鹵簿竝序列於玉輅前又進輶輦車當承天門中稍南凶儀明器序列於輶輦車前奠前一刻奉禮郎布文武羣官位於承天門外異位重行如太極庭中儀光祿卿具遣奠之饌以俟執事官位竝先俟於門外之東龍輶至承天門外禮官贊止哭侍中進龍輶前跪奏稱請升輶輦車俛伏興司徒帥舁梓宮官及所由奉梓宮升輶輦車所司設奠席於輶輦車東西向奉禮郎設罇坫於席東南設罍洗又於其南設太尉版位於東西向禮官進省饌訖禮生贊光祿卿捧俎進跪奠於席上諸齋郎捧俎隨列於席上禮生引太尉就位禮官贊哭在位者皆哭又贊止哭在位者皆止哭禮生引太尉詣罍洗盥手洗爵詣罇坫所太祝舉羃酌

醴齊禮儀使就次奏請皇帝出就次皇帝出次立於奠東西向太祝以醴齊授太尉訖禮儀使奏請皇帝去杖前進中官承傳止哭諸王妃主等皆止哭太尉以醴齊於皇帝之左跪進皇帝受醴齊跪奠於饌前俛伏興少退立太祝持版進西北向跪讀祝文訖奠版俛伏興退復位皇帝哭踊禮儀使贊皇帝再拜諸王妃主及在位羣官等皆哭禮儀使跪奏請皇帝少退近侍扶皇帝少退於位少府監設讀哀册褥於奠東禮官引册案進舉册官舉册進至褥東西面以册東向禮官贊太尉及羣官止哭中官承傳諸王妃主皆止哭禮官引中書令進跪讀册訖俛伏興退復位舉册者以授祕書監以授符寶郎皇帝哭踊禮儀使奏請皇帝再拜太尉羣官諸王妃主皆哭再拜少府徹褥光祿徹饌訖祿儀使跪奏稱

輜輶車將發皇帝前哭盡哀禮儀使稱請再拜奉辭俛
伏興皇帝稽顙哭踊再拜輜輶車發禮儀使跪奏請皇
帝還宮俛伏興近侍扶引皇帝入次太尉以下於次南
橫行進名再拜奉辭訖各就本職如諸王有故不赴山
陵者俟皇帝奉辭入次後諸王進至輜輶車之左以南爲
上哭盡哀再拜辭妃主內官不去者於輜輶車後帷中
哭再拜辭訖禮生贊侍中於輜輶車前跪請進發訖俛
伏興

右遣奠

山陵日依時刻吉凶二駕備列訖尙輦帥腰輿繖扇入
詣神座前內侍捧几內謁者捧香爐各置輿上中官帥
其屬舁衣箱以出神輿至玉輅後內常侍捧几置輅中
輿等退就列中官以衣箱傳授尙衣奉御置於玉輅及

副車中神駕動警蹕如常千牛將軍夾輅而趨至侍臣
上馬所禮生贊侍臣上馬侍臣上馬訖夾侍於前禮生
在供奉官內諸侍衛之官各督其屬左右翊神駕動
簿官以黃麾麾之鼓吹振作警蹕如常當陵門以赤
麾之鼓吹不作侍臣下馬步導於前神駕至吉帷宮
車南向尙輦帥腰輿繖扇至輅後內常侍奉几置輿上
繖扇侍奉至帳殿下內侍捧几置座上內謁者捧香爐
置座前輿等退就列玉輅及鹵簿侍衛之官停列於帷
宮門外吉駕引禮官贊侍中進輜輶車靈駕前奏請靈
駕發引俛伏興退司馬執鐸挽郎執紼挽歌振作及挽
以進內外哭從以赴山陵靈駕至陵門西凶帷帳殿下
迴駕南向公主及內官以下並降車障以行帷哭於凶
帳殿之西東向北上羣官皇親哭者序立於帷門外東

西相向北上哭十五舉音止各退就次前三刻奉禮郎於隧道東南量遠近設皇親諸親奉辭位又於其南設應從文武官五品以下奉辭位又於其南設六品以下奉辭位每等異位重行西面北上設奉禮郎位於其北禮生二人立於其南差退內謁者於隧道西南稍北帷內設公主王妃及內官以下奉辭位東向北上前一刻所司設奠席於輜輶車前設罍洗篚於東南罍在洗西篚在洗東於是羣官列位序立光祿卿帥其屬以饌奠於席上禮官引太尉詣罍洗盥手洗爵詣罇所太祝酌醴齊訖太尉跪奠於饌前俛伏興太祝持版進太尉之左跪讀文訖奠版俛伏興太尉再拜在位者皆再拜發引至南神門將作監進龍輅於靈駕之後禮官贊侍中進輜輶靈駕前跪奏稱請降靈駕御龍輅俛伏興退

昇梓宮所由乃奉遷梓宮至龍輅昇梓宮官左右捧從司空以巾拭梓宮并拂夷衾少府屬紼於龍輅禮官贊侍中進龍輅前跪奏稱請引龍輅即玄宮俛伏興退挽郎執紼奉引龍輅左迴北首禮官贊司徒前導白幟弩素信幡大旒及翼皆依次而引近伏近侍夾進如禮官導通事舍人引太尉先導於龍輅之左主節官帥持節者脫節在太尉之前差退代哭者及挽歌皆序立門外之西重行東向押官排比以俟皇親諸親羣官等哭從公主王妃及內官等障以行惟龍輅至羨道停於帷下南首以俟時妃主內官以下於羨道西南帷內就位東向哭通事舍人分引羣官皇親諸親各就奉辭位所由各贊哭在位者皆哭其吉鹵簿侍奉官少前序立於門外之東西向北上哭皆三十舉音止再拜奉辭至時內

官以下吉服奉遷梓宮入自羨道奉接安於御榻褥上
北首覆以御衾龍輜退出其押吉鹵簿官竝服白布巾
衫就哭將掩玄宮竝依前服吉服初梓宮降自羨道奉
禮郎設太尉進寶冊贈玉幣位於羨道東南西向設禮
儀使奉寶冊玉幣位於太尉南又設祕書監位於其南
禮官導通事舍人引太尉以下俱吉公服各就位又導
持節者服節衣引太尉之前禮部侍郎奉寶綬案諡冊
案哀冊案每案四人對舉用九品以上
清資官昇立於太尉之西南少
府監奉贈玉置於匣帥其屬捧立於禮部侍郎之西太
府卿奉幣玄三纁二置於篚帥其屬捧立少府監之西
俱北面各立於寶冊玉幣之後案之衣纁裳周制也當時所服故
以爲幣服近代及今則皆不用滯
儒執古儀注復存斯未達
禮從宜及隨時之義也立定禮官導通事舍人引禮部侍郎
取寶綬於案進授太尉又禮生一人引祕書監取諡冊

哀冊進授禮儀使其冊如重則
判官助舉又引少府監取玉於匣并
薦巾又引太府卿取幣進授禮儀使以幣承巾玉禮部
侍郎以下竝退龍輜既出禮儀官分贊太尉禮儀使奉
寶冊玉幣竝降自羨道至玄宮太尉奉寶綬入跪奠於
寶帳內神座之西俛伏興禮儀使以諡冊跪奠於寶綬
之西又以哀冊跪奠於諡冊之西又奉玉幣跪奠於神
座之東竝退出復位禮生引將作監少府監入陳明器
白幟弩素信幡翼等分樹倚於牆大旒置於戶內其跌竿
燒之自
餘明器各以次逐
便陳之使有行列陳布訖并內官以下竝出羨道就位所由
贊內外哭羣官皇親諸親并吉儀侍奉官皆哭三十舉
音再拜又再拜奉辭訖引退以出中官贊公主王妃竝
退出周以行帷至門乘車以扈從禮生導主節官帥持
節者引太尉及司空山陵使將作監御史一人監纁閉

禮通考卷之六
三
玄宮司空復土九鋪所司帥作工續以終事其先除服者竝改服凶儀
鹵簿解嚴退散輜輳車龍輜之屬於柏城內庚地焚之
其通人臣用者則不焚

右葬儀

將啟太祝捧主匱置於座啟匱於前捧出神主置於座
上東向諸侍奉官各退就位輿繖等亦退通事舍人引
羣官俱退於太極殿門外就次以俟虞祭所由陳仗衛
如式典儀設太尉司徒宗正卿禮儀使及諸行事官位
於東階之東設太祝等位於公卿之前少南如不親行事中書門下奏差區
又少南設典儀位俱西向典儀帥禮生二人先就次立
禮生乃引太尉司徒以下祭服立於左延明門外之南
北向西上光祿卿帥其屬捧饌立於太尉司徒之東太
祝帥齋郎奉祝版立於饌東立定禮生迺引太尉司徒

以下入就位通事舍人分引羣官皇親諸親皆素服各
入就位侍中版奏中嚴皇帝素服就次諸王升就位如不獲親奠即太尉行事如常
光祿卿帥其屬捧饌人俟於東階之前太祝帥齋郎捧
祝版立於其南光祿卿帥其屬升設醴甌酒罇於帷門
外前楹中間之東北向西上設篚於罇西實解一杓一
皆有罇設盥洗篚於東階之東北向盥水在洗東篚在
洗西南肆實爵二巾一有罇執盥洗者立於其後侍中
版奏外辦近侍扶引皇帝再拜通事舍人分贊羣官在
內外位者哭拜禮生引禮儀使省饌訖升就禮官升位
後光祿卿帥進饌奉饌司徒捧俎光祿卿引饌及諸執
事官竝升自東階設於帷東門外席上訖降復位太祝
捧祝版升立於罇所執罇篚者各立於罇篚之後禮儀
使導皇帝於饌東西面禮儀使跪奏請皇帝止哭奉奠

承傳內外皆止哭太祝以醴酌醴齊於皇帝之左跪進
皇帝受醴齊跪奠於饌前俛伏興太祝持版進神座之
南北面跪讀祝文訖奠版俛伏興禮儀使導皇帝復位
跪奏請再拜皇帝哭再拜禮生引太尉亞獻終獻訖降
復位如常儀通事舍人分贊內外哭再拜禮儀使又跪
奏請再拜俛伏興皇帝哭再拜奉禮郎傳贊內外再拜
禮儀使跪奏禮畢俛伏興近侍扶皇帝還閣羣官等俱
退太祝乃跪匱神主遂閉帷門降出內侍之屬及行事
者皆出祝版焚於左延明門外百寮乃於太極門外奉
慰如常儀每虞日朝哭禮皆準此如不親行事則宗正卿亞獻光祿卿終獻

右虞祭

耐廟前二日告遷其禮如常告之儀宗正起科申牒所由祝文出祕書省先備腰輿等并昇人帝以三衛充后以中官充告訖太祝先匱代祖神主

奉遷於西夾室堦中鎖閉如式次腰輿遷第三室神主

二主各一腰輿凡主出則帝主先出其入室則后主先入

入第二室宮闈令捧后主先置於堦

室太祝奉帝主復置於堦室俱東向次遷第四室入第

三室次遷第五室入第四室次遷第六室入第五室次

遷第七室入第六室室有二后昭成於前肅明於後次遷第八室入第七室

次遷第九室入第八室皆如上儀入堦室皆鎖閉訖次

所司移幄帳等物依次各遷入本室訖其九室應緣幄

帳香案斧辰席褥等所司先造其日陳設於室中其代

祖室舊帳幄等物竝移於西夾室中虛設鎖閉如式將

遷代宗睿文孝武皇帝所司先擇日奏定散下所由各

供其職應用法駕鹵簿黃麾大仗前一日陳設及太廟

四門量設方色兵仗如上儀將作監先清掃諸廟內外

京兆府修路從承天門向南至太府寺南街向東入太

廟三門又向南又向東至廟南門宗正具耐饗料差三公及應行事官齋戒如常饗儀

告靈座料如前式

其祝文出祕書省

太樂令設登歌於太廟殿上

竝如常式尚舍於廟南門道西設神主幄座東向幄內

設牀席褥黼辰香案如式內中尚先造栗木主并匱及

跌

其制度如常儀

耐前一日盛以箱覆以帕置於腰輿詣廟南門

幄帳中太祝捧置於座上迺下簾帷內侍省量差中官

侍衛禮儀使奏請差題神主官即以饗前一日尚舍具

香湯并題神主席褥內中尚具浴神主盆并白羅巾光

漆筆墨等詣於幄帳中禮儀使與題神主官等其日質

明詣幄下太祝以香湯浴栗主拭以羅巾題栗主官盥

洗捧栗主就褥題云代宗睿文孝武皇帝神主墨書訖

以光漆重摸之遂捧授太祝受詣帳座置於匱中所侍

衛如式前一日尚舍與西內使計會鴻臚除太極殿上

白幕竝以吉幙代之殿中省除板城太僕進玉輅於承

天門外當中南向及諸輦輅羽儀仗衛繖扇陳設於玉

輅前左右金吾引駕所由陳布如式太常奏前一日之

夕嚴警於承天門外之南皇城留守奏耐饗日質明開

朱雀門大內留守與內檢校使奏開太極殿門嘉德門

承天門衛尉於太極殿門外廊下量設文武百官次又

於太廟南門外量設百官次於道東如在太極殿庭儀

先奏靈座耐之日質明宗正卿帥執饌齋郎光祿卿帥

大官良醞實罇俎籩豆并應行事官皆祭服序列於左

延明門以俟至祭時應行事官詣太極殿東階下西向

序立典儀於太極殿庭布文武官皇親諸親位如常儀

俟祭官欲升殿行事時通事舍人引文武百寮等常服

入就位禮生贊眾官再拜在位者皆再拜尚輦帥腰輿
香案繖扇入詣殿庭階下分東西立侍從官攝侍中中
書令以下竝列位於左右序立太僕進玉輅於嘉德門
外當中南向禮生引祭官等行告禮如常儀告訖宗正
卿光祿卿帥齋郎長祠徹饌禮官引侍中升尚輦帥腰
輿升詣帳座前其繖扇侍臣等夾於階間侍中進跪於
幄前西向奏請降座升輿附廟內侍奉几置輿上太祝
匱神主捧置輿上几後扶侍降自西階繖扇侍臣夾引
以出自太極殿門中門出在位文武百官及皇親諸親
等便從神輿而出至嘉德門分左右序立神輿至玉輅
後侍中跪奏請降輿升輅內侍捧几置輅中太祝奉匱
升輅其太祝便於輅中侍奉千牛將軍夾輅而趨出承天門五十步
侍中進當輅前跪奏請敕侍臣上馬侍臣等皆上馬鼓

吹振作其文武百官等候玉輅出承天門各逐便路先
赴太廟南門次以俟神輿鹵簿至廟門西三門鼓吹止
分左右以俟饗訖退其儀仗等並於廟南門分左右列
位俟饗禮畢退玉輅既發赴廟尙舍收折殿上帷幄及
板城等應合收者與檢校使計會處置西宮內八宸殿其日
太廟附饗應緣齋官陳設罇彝酒醴其日並焚香爵省牲告潔進
署祝版陳設樂器並如東饗常儀玉輅將至廟西門尙
舍奉御設奉謁褥位於廟庭橫階南當中北向奉禮郎
於廟南門外稍南設文武百官及皇親諸親位如太極
殿庭之儀又於廟庭橫階南設文武百官及皇親諸親
位亦準此其六品以下非常參官並列位於廟南門外通事舍人引文武百官及皇
親諸親等常服就南門外位禮生引應饗官俱祭服立
於廟東門外北向西上位立又禮生引禮儀使御史以

下執事官等先入當中階北向立於褥位之南禮生贊
再拜禮儀使御史以下皆再拜訖引自東階升各就位
次引司空入就位再拜行掃除訖降復位禮官與太祝
自西第一室開埒室捧神主匱置於幄中近東啟匱出
神主捧置於座几後跌上次宮闈令入室捧后主匱置
於幄中近西啟匱出后主置於座几後跌上自第一室
至第八室皆如上儀訖並齋郎室長各於本室依儀出
入須知次序太祝退立於罇坵所宮闈令退就階下執
事位玉輅既至廟南門迴輅南向侍臣等序列於輅前
神輿人幄則侍臣列於幄門外尙輦帥腰輿進輅後侍
中跪奏請降輅升輿詣幄座內侍捧几置輿上太祝捧
神主匱置輿上几後遂昇詣幄座內侍捧几置座上東
向太祝捧匱置几後訖禮生於廟東門引行事官太尉

以下入就廟庭位西向立其殿上御史禮官太祝樂官
等各逐便自東西階下相向序立候神主升殿卻復階
下位侍中進於幄座前跪奏請降座升輿附謁內侍奉
几置輿上太祝捧栗木神主匱置几後禮官引入通事
舍人引文武百官皇親諸親自南門外分左右從入就
東西班位立神輿至廟門繖扇分左右立於門外神輿
至廟庭褥位侍中各退就本班其侍中未退太祝捧匱跪置於
褥啟匱出神主置於趺上訖侍中進於褥位西北面跪
奏稱以今吉辰代宗睿文孝武皇帝附謁奏訖俛伏興
退少頃侍中詣褥之西東面跪奏請升輿附饗俛伏興
退降就本班太祝進跪於褥位捧神主匱於輿其匱蓋亦置輿近後
腰輿既升禮官奉引神輿詣玄宗室太祝跪捧神主匱
置東壁下附位褥上西南退立戶外少頃太祝進就褥

跪捧神主置於輿奉引入第九室至帷座前內侍捧几
置於座如幄中別有几其几留於腰輿而退太祝捧神主置於曲几後上以懸處向北也跌上
其匱置於几東近後腰輿退於幄座之西近北昇腰輿
所由並降自東階由廟東門出神主置座訖禮生贊再
拜太尉以下及應在位官並再拜禮生詣太尉之左白
有司謹具請行事登歌奏永和之樂九成畢禮生贊再
拜太尉以下及在位者皆再拜禮生引太尉盥洗執瓚
升詣從西第一室酌鬱鬯登歌作太尉入室神座前裸
訖奠瓚於饌席俛伏興退出戶北向再拜次引詣第二
室次引詣第三室以至第九室皆如上儀訖登歌止引
太尉降復位太祝奠毛血之豆禮生引司徒執俎入自
正門俎初入門雍和之樂作饌升階樂止禮生徹毛血
之豆降自東階以出詣太祝取蕭蒿焚於爐炭饌升設

訖齋郎降自東階由廟東門以出禮生引太尉盥洗執
爵奏自第一室至第八室各奏本室樂至第九室奏保
大之樂行饗禮亞獻終獻並如常饗之儀訖降復位登
歌作太祝各入室徹豆還罇所登歌止禮生唱賜胙又
唱再拜眾官應在位者皆再拜其二獻官不拜永和之樂作禮生
又唱再拜在位者皆再拜樂一成止禮生進太尉之左
白禮畢禮生引饗官自東門出通事舍人引在位羣官
南門出太祝入室各匱神主納於坩室如常儀禮官帥
腰輿詣廟門南幄下太祝捧桑木主并匱置於輿遂自
廟門南西偏門昇入詣廟殿北簾下兩階之間將作先
其鍬鑿穿坎方深合可容木主匱遂埋之而退明日百
寮及皇親諸親詣延英門進名奉慰如常儀

乾學案儀禮士虞禮其始虞祝辭曰適爾皇

祖某甫再虞三虞皆如初將且而祔則薦卒
辭曰哀子某來日某濟祔爾于爾皇祖某甫
其祔祭也曰適爾皇祖某甫以濟祔爾孫某
甫蓋自朝祖遺奠以前皆事生之禮至虞而
始有尸始以祭易奠逮於祔也以吉祭易喪
祭直以鬼神享之矣既葬迎精而反當即廟
食而人子之心不忍死其親不忍使親之主
遽離於寢故爲虞祭以安神又告之以將祔
皇祖至於再三既祔則又反於寢雖曰以其
班祔在廟只一日爾曰適爾皇祖濟祔爾孫
鄭康成謂欲其祔合兩告之蓋將使死者祔
于皇祖又使皇祖與死者合食前一句是告
死者後一句是謂皇祖言簡而意切禮繁而

不瀆此先王之禮所以爲仁至義盡也自杜
氏通典載大唐元陵儀注神主玉輅將至設
奉謁褥位於廟庭橫階南當中北向既降輅
升輿詣幄座侍中跪奏請升輿祔謁神輿至
廟庭褥位太祝啟匱出主侍中跪奏稱以今
吉日代宗睿文孝武皇帝祔謁少頃侍中詣
褥之西東面跪奏請升輿祔饗禮官奉引詣
之宗室祔位少頃入第九室帷座是時顏真
卿爲禮儀使雖采稽古禮大略率循當時舊
章以祔於皇祖爲名神主不反几筵卽於是
日升第九室凡廟以西爲上九室遞遷無有
昭穆之分祔廟亦是虛稱褥位贊謁有象生
人異於濟祔爾孫之告矣及考明朝實錄凡

新主人廟亦有謁廟禮奉衣冠神主徧謁祖宗皆天子代行八拜禮太常卿唱賜坐乃安座祭享正統時太皇太后升耐謁廟畢捧宣宗神主衣冠北向朝見亦天子行禮其儀益繁而瀆非禮經意矣先王之以孝治天下也生則親安祭則鬼享割牲薦獻上通無莫故措之廟立之主曰帝事生者易事死者難有神而明之之義焉祭之禮考妣其一尸不必與生者同也若但曰事死如事生設死者之衣冠僕僕亟拜是近於褻慢而恭敬之心替矣周公既制朝祖之儀而於耐只兩告祖宗與死者別無儀節宜繁而繁宜簡而簡不可易之謂經也顏魯公一代大儒難挽末流之

失而明時禮官如呂震如胡濙輩不學無術其益趨於瀆而不經也宜哉○又案開元禮唐書禮志既禫乃耐於廟與殷周練而耐卒哭而耐者不同矣其日設考之耐坐於曾祖室內祝前告曰以今吉辰奉遷神主於廟耐禮畢以腰輿奉神主人考廟進酒脯之奠蓋品官之禮尙無繁縟儀節然亦去古遠矣

右耐祭

前二日內所司先具八升練布冠衰裳腰經等光祿卿具太牢饌宗正進署祝版前一日之夕毀廬爲堊室尺五寸長丈二尺闊一丈將作監句當尙舍奉御設蒲席於室內內所由陳練冠於別次其日依時刻內所由先入整拂几筵薦香燭於靈前內外及百寮俱服衰服去杖通事舍人引就

位侍中版奏外辨皇帝服衰裳經去杖近侍扶就位西
向哭內外在位者皆哭十五舉聲禮儀使奏請再拜皇
帝再拜內外在位者皆再拜近侍扶皇帝就次所司以
練布冠衰裳進內服訖內外及百寮各服其服兩省五品
以上及卿
御史大夫中丞尚書省四品以上諸司三品以上正員長官準禮合除首經練入
升布爲冠以六升布爲衰裳今荆州布也其幘頭及衫袴等亦準此藏其所換初
服以俟山通事舍人引百寮入就位立定近侍扶皇帝就
位哭踊內外百寮皆哭踊光祿卿引饌升設於靈幄前
太祝以爵酌醴酒禮儀使奏請止哭內外俱止哭太祝
以酒爵授禮儀使禮儀使受酒跪進皇帝受酒跪奠於
饌前俛伏興少退太祝持版跪於饌前近南北向讀祝
版曰維年月日子哀子嗣皇帝臣某敢昭告于考大行
皇帝天禍所鍾攀號無及以日易月奄及小祥煩冤荼
苦觸緒糜潰謹以一元大武柔毛剛鬣明粢薌合薌其

嘉蔬嘉薦醴齊祗薦祥事尚饗讀訖禮儀使奏請再拜
皇帝哭踊再拜內外在位者皆哭踊再拜皇帝還次通
事舍人引羣官退其奉慰如常儀

右小祥祭

祭前二日內所司先具大祥服淺黑純幘頭帽子巾子大
麻布衫白布腰帶麻鞋光祿
卿具太牢饌宗正進署祝版前一日之夕將作塗堊室
內所由陳大祥服於別次其日未明內所由先整拂几
筵薦香燭於靈幄前內外百寮俱服衰裳去杖至傳點
時通事舍人各引入就位侍中版奏外辨皇帝服衰裳
去杖近侍扶就位西向哭踊內外在位者皆哭踊十五
舉聲禮儀使奏請再拜皇帝再拜贊者承傳內外在位
者皆再拜訖禮儀使奏請止哭就次變服奏訖與禮官
等趨出近侍扶皇帝就次變大祥服內外百寮皆就次

變服素服訖黑繩縷頭腰帶白衫麻鞋各入就位立定近侍扶皇帝就位哭踊禮官省饌光祿卿引饌升設靈幄前太祝執爵酌醴酒禮儀使奉引皇帝稍進詣饌前禮儀使請止哭內外俱止哭太祝以酒授禮儀使禮儀使受酒跪進皇帝受酒跪奠於饌前俛伏興少退太祝持版於饌南北向讀祝文訖禮儀使奏請再拜皇帝哭踊再拜贊者承傳內外者在位者皆哭再拜十五舉聲禮儀使奏禮畢與禮官等趨出近侍扶皇帝還次通事舍人引羣官序出太極門其奉慰如常儀百寮奉慰訖以素服詣延英門起居謹案禮云麻衣又云緇冠素純既祥之冠今所司具淺黑純此即古之緇冠也案禮云禫而緇黑經白緯曰緇則宜施之於禫今於大祥服之蓋從當時宜

右大祥祭

其日百寮早集西內入就位侍中進辦並如大祥之儀皇帝服大祥服近侍扶就位哭十五舉聲禮儀使奏請

再拜皇帝再拜贊者承傳百寮在位者皆再拜禮儀使奏請就次變服皇帝就次除大祥服服素服細布麻衫腰帶細麻鞋黑紬襪頭巾百寮趨入就位立定近侍扶皇帝入哭踊內外百寮皆哭踊禮官省饌光祿卿引饌升陳設酌奠亦如大祥之儀太祝讀祝文訖禮儀使奏請再拜皇帝哭再拜贊者承傳內外百寮皆哭再拜訖禮儀使奏禮畢遂與禮官趨出近侍扶皇帝還次通事舍人引百寮序出至太極門外進名奉慰訖各服黻公服便詣延英門起居明日平明皇帝改服黻吉服淡淺黃衫細黑繩縷頭巾子麻鞋吉腰帶伏準貞觀永徽開元故事服此服至山陵事畢則純吉服其中間朔望視朝及大禮並純吉服百寮亦純吉服自後朝謁如常儀其百官黻公服至山陵事畢乃服常公服

右禫祭

唐書禮樂志五禮二曰凶禮唐初徙其次第五而李義

府許敬宗以為凶事非臣子所宜言遂去其國恤一篇
由是天子凶禮闕焉至國有大故則皆臨時採掇附比
以從事事已則諱而不傳故後世無考焉至開元制禮
惟著天子賑恤水旱遣使問疾弔死舉哀除服臨喪冊
贈之類若五服與諸臣之喪葬衰麻哭泣則頗詳焉

馬端臨曰唐志所言如此柳子厚作裴瑒崇豐二陵集禮後序其說亦然且謂
承貞元和開天禍仍遵自崇陵至於豐陵不能周歲司空村公由太常相天子
連為禮儀使擇其僚以備損益於是河東裴瑒以太常丞隴西辛祕以博士用
焉內之則積塗祕器象物之宜外之則復土斥土因山之制上之則顧命典冊
與文物以受方國下之則制服節文頒憲則以示四方由其肅恭禮無不備且
包并總統千載之盈縮羅絡考午百氏之異同搜揚翦截而悉得其中顧問關
決而不悖於事議者以為司空公得人而邦典不墜裴氏乃悉取其所判定及
奏復於上辨列於下聯白執事之儀以為崇豐二陵集禮藏之於太常書閣君
子以為愛禮而近古焉然則李義府許敬宗所削開元禮所闕者瑒之書悉有
之矣今考其書至王宋二
或瑒之書至王宋二
公之時亦不復存邪

乾學案開元禮及新唐書皆不載國恤惟杜
氏通典有之其行禮次第最為詳悉乃馬貴

與編通考於史傳遺又多所搜採獨不及通
典一語何也今悉依其原文著於篇考古今
國恤之儀惟此為粲然大備云

謚冊文

通典唐元陵謚冊文維某年月日哀子嗣皇帝臣諱伏
以聖德之大上與天合人道近暱鮮克究知敢盡其所
見泣以敘財成之業伏惟大行皇帝紹休七聖臨照八
極以至道御羣有以至化懷遠方登假於上敷聞在下
肇加元服頃昇儲闈生知之敏動與神契承順玄宗也
齊栗之容著奉養肅宗也愛敬之禮深履蒸蒸躬翼翼
不絕馳道日朝寢門此則首冠百王大舜周文之孝也
其於崇儒尚齒尊道貴德窮理盡性之學經天緯地之
文包荒含垢之量迪哲允恭之善斯又睿聖不測同符

乎三五無得而稱也當祿山叛亂陷覆二京以天人之
重授元戎之律師之所及狂寇殲夷復宗社之阽危拯
生靈於焚燎則乾維重構宸極以安及史盜聞釁三河
屢梗在撫軍之際思明隕命乘踐祚之初朝義授首則
梁陳底定朔易從風其或屈彊於大梁背誕於南越莫
不朝為梟獍夕為鯨鯢此高光之功神武之略也自是
肅勿羣后賓延萬靈滂瀟鬱沒之刑寢焚座懸沈之禮
備衣冠有淪於脇從者釋而靡問靈祇有闕於禮祀者
秩而致享望讒說求讜言扇以祥風浸以膏澤九譯奉
貢四夷將賓不冒日出罔不率俾猶復嚴恭寅畏顧省
闕遺兢兢業業日昃不暇故得立功廣運協氣旁流靈
契畢發元符洊至則瑞璧出於泗清瀾變於河其餘見
社鱗羽呈祥草木者不可殫記方議囊弓偃伯臻於大

和告禪於石閭鏤功於金版遠承憑几之命奄邁綴衣
之酷號天扣地罔所依歸今龍攢就啟屛輅將駕採鴻
儒碩生之議考公卿百辟之請僉以盛德大業匪號謚
莫宣是用虔奉古訓發揚茂實謹遣攝太尉某奉册上
尊諡曰睿文孝武皇帝廟曰代宗伏惟明靈降格膺茲
典禮誕錫純嘏貽燕後昆嗚呼哀哉

乾學案通典所載國恤儀乃代宗之喪禮故
此條及前章祔廟儀主代宗而言獨怪許敬
宗輩既去國卹不載蕭嵩編開元禮亦然而
通典乃詳悉如此則此禮何人所定邪或者
謂杜公黃裳有二陵集禮疑此卽其所定然
二陵乃德顯二帝而非代宗則此又非杜公
所定也考之史代宗之崩實顏公真卿為禮

儀使意者即顏公之所定乎國恤儀注最備於唐而莫審為何人之著作可惜也

讀禮通考卷第六十八

讀禮通考卷第六十九

經禮禮部存彙翰院學教駕車充大清會典總志副總明史總裁徐乾學

喪儀節三十二

國恤四

宋大喪儀

宋史禮志太祖乾德初改葬宣祖有司言改卜陵寢合用哀冊及文班官各撰歌辭二首吉仗用大駕鹵簿凶仗用大升輿龍輶鷲茸纛魂車香輿銘旌哀謚冊寶車方相買道車白幟弩素信幡錢山輿黃白紙帳煖帳夏帳千味臺盤衣輿拂纛明器輿漆梓宮夷衾儀棹素翼包牲倉瓶五穀輿瓷甗瓦甗辟惡車進玄宮有鐵帳覆梓宮藉以機欄褥鐵盆鐵山用然漆燈宣祖衾冕昭憲皇后花釵罩衣贈玉十二神當壙當野祖明祖思地軸

及留陵刻漏等並制如儀服總不設祖奠止於陵所行
一虞之祭宣祖諡冊諡寶舊藏廟室合遷置陵內改葬
之禮與始葬同几筵宜新明器壞者改作凡斂衣斂物
並易之其皇堂贈玉鎮圭劍佩旒冕玉寶並以珉玉藥
玉綬以青錦安陵中玉圭劍佩玉寶等皆用于闔玉孝
明孝惠陵內用珉玉藥玉啓故安陵奉安宣祖昭憲孝
惠二后梓宮於幄殿靈駕發引所過州府縣鎮長吏令
佐素服出城奉迎并辭皆哭自發引至揜皇堂皆廢朝
禁京城音樂
開寶九年十月二十日太祖崩羣臣序班殿庭宰臣宣
制發哀畢太宗卽位號哭見羣臣羣臣稱賀復奉慰盡
哀而退禮官言羣臣當服布斜巾四腳直領布襴腰經
命婦布帕首裙帔皇弟皇子文武二品以上加布冠斜

巾帽首經大袖裙袴竹杖士民縞素婦人素縵諸軍就
屯營三日哭羣臣屢請聽政始御長春殿羣臣喪服就
列帝去杖經服斜巾垂帽捲簾視事小祥改布服四腳
直領布襴腰經布袴二品以上官亦如之大祥帝服素
紗軟腳折上巾淺黃衫緞皮鞋黑銀帶羣臣及軍校以
上皆本色黻服鐵帶鞞笏諸王入內服衰出則服黻又
成服後羣臣朝晡臨三日大小祥禫除朔望皆入臨奉
慰內出遺留物頒賜諸臣親王遣使賚賜方鎮二十七
日命宰臣撰陵名哀冊文明年三月十七日羣臣奉諡
號冊寶告于南郊明日讀於靈坐前四月十日啓櫬宮
帝與羣臣皆服如初喪朝晡臨殿中退易常服出宮城
十三日發引帝衰服啓奠哭羣臣入臨升梓宮於龍輶
祖奠徹設次明德門外行遣奠禮讀哀冊帝哭盡哀再

拜辭釋衰還宮百官辭於都城外二十五日掩皇堂二十九日虞主至奉安於大明殿五月十九日祔廟之第五室以孝明皇后王氏升配禮畢羣臣奉慰其吉凶仗如安陵惟增輜輶車神帛肩輿鹵簿三千五百三十九人

至道三年三月二十九日太宗崩於萬歲殿眞宗散髮號擗奉遺詔卽位於殿之東楹制永熙陵皇堂深百尺方廣八十尺陵臺方二百五十尺大駕鹵簿用玉輅一革車五外凡用九千四百六十八人有司定散髮之禮皇帝皇后諸王公主縣主諸王夫人六宮內人並左被髮皇太后全被髮帝服布斜巾四腳大袖裙袴帽竹杖腰經首經直領布襪衫白綾襯服諸王皇親以下如之加布頭冠絹襯服皇太后皇后內外命婦布裙衫幘帕

頭首經絹襯服宮人無幘文武二品以上布斜巾四腳頭冠大袖襪衫裙袴腰經竹杖絹襯服自餘百官並布幘頭襪衫腰經省五品御史臺尙書省四品諸司三品以上見任前任防禦團練刺史內客省閣門入內都知押班等布頭冠幘頭大袖襪衫裙袴腰經諸軍庶民白衫紙帽婦人素縵不花釵三日哭而止山陵前朔望不視事六月詔翰林寫先帝常服及絳紗袍通天冠御容二奉帳坐列於大升輿之前仍以太宗玩好弓劍筆硯琴棋之屬蒙組繡置輿中陳於仗內十月三日靈駕發引其凶仗法物擎昇牽駕兵士力士凡用萬二千一百九十三人挽郎服白練寬衫練裙勒帛絹幘餘並如昌陵制十一月二日有司奉神主至太廟近臣題謚號祔於第六室以懿德皇后符氏升配置衛士五百人於陵

所作殿以安御容朝暮上食四時致祭焉
乾興元年二月十九日真宗崩仁宗卽位二十日禮儀
院言準禮例差官奏告天地社稷太廟諸陵應祠祭惟
天地社稷五方帝諸大祠宗廟及諸中小祠並權停俟
祠廟禮畢仍舊是日命閣門使薛貽廓告哀於契丹宣
慶使韓守英爲大內都巡檢內侍分領宮殿門衛士屯
護閣門使王遵度爲皇城四面巡檢新舊城巡檢各權
添差益以禁兵器仗城門亦設器甲以辨姦詐二十一
日羣臣入臨見帝於東序閣門使宣口勅曰先皇帝奄
棄萬國凡在臣僚畢同號慕及中外將校並加存撫羣
臣拜舞稱萬歲復哭盡哀退是日上表請聽政凡三上
始允二十三日陳先帝服玩及珠襦玉匣含殮應入梓
宮之物於延慶殿召輔臣通觀明日大斂成服二十五

日有司設御坐垂簾崇政殿之西廡簾幕皆縞素羣臣
序班殿門外帝衰服杖經侍臣扶升坐通事舍人引羣
臣入殿庭西向合班俟簾捲羣臣再拜班首奏聖躬萬
福隨班三呼萬歲退幸臣升殿奏事如儀三月一日小
祥帝行奠釋衰服羣臣入臨退赴內東門進名奉慰自
是每七日皆臨至四十九日止十三日大祥帝釋服服
黻十四日司天監言山陵斬草用四月一日丙時吉十
六日山陵案行使藍繼宗言據司天監定永安縣東北
六里曰臥龍岡堪充山陵詔雷允恭覆案以聞皇堂之
制深八十一尺方百四十尺制陵名曰永定九月十一
日召輔臣赴會慶殿觀入皇堂物皆生平服御玩好之
具帝與輔臣議及天書皆先帝尊道膺受靈貺殊尤之
瑞屬於元聖不可留於人間宜於永定陵奉安二十三

日奉導天書至長春殿帝上香再拜奉辭二十四日天書先發帝啓奠梓宮讀哀冊禮畢具吉凶儀仗百官素服赴順天門外至板橋立班奉辭還詣西上閣門進名奉慰十月十三日掩皇堂十八日虞主至京十九日羣臣詣會慶殿行九虞祭二十三日祔太廟第七室嘉祐八年三月晦日仁宗崩英宗立喪服制度及修奉永昭陵並用定陵故事發諸路卒四萬六千七百人治之宣慶使石全彬提舉制梓宮畫樣以進命務堅完毋過華飾三司請內藏錢百五十萬貫紬絹二百五十萬匹銀五十萬兩助山陵及賞資遣使告哀遼夏及賜遺留物又遣使告諭諸路又以聽政奠告大行近臣告升遐於天地社稷宗廟宮觀又告嗣位賜兩府宗室近臣遺留物七月宰臣以下宿尚書省宗室團練使以上宿

都亭驛請諡于南郊八月告於福甯殿天地宗社宮觀九月二十八日啓蕞宮以初喪服日一臨易常服出十月六日靈駕發引天子啓奠梓宮升龍輜祖奠徹與皇太后步出宣德門羣臣辭於板橋十五日奉安梓宮陵側十七日開皇堂十一月二日虞主至皇太后奠於瓊林苑天子步出集英門奉迎奠於幄七日祭虞主二十九日祔太廟主如漢制不題諡號及終虞而行卒哭之祭大祥日不御前後殿開封府停決大辟及禁屠至四月五日待制觀察使以上及宗室管軍官日一奠二十八日而羣臣俱入奠二十九日禫除羣臣皆奉慰焉司馬光論虞祭劄子云臣聞禮既葬而虞虞安也柩既藏矣孝子不忍一日離其親恐精神彷徨無所依歸故祭以安之然則虞者孝子之事人主當親行其禮非臣

下所得攝竊見今月三日虞祭百官皆入就位而哭而
陛下使宗正卿攝事臣竊惑之永昭陵距京師猶五頓
木主還未至之時不可一日不虞故使羣臣攝事今木
主已達京師近在內殿而有司不根禮意向如塗中使
羣臣行事臣恐聞見之人不知有司之失而歸責於陛
下今未至卒哭尙有三虞欲望自來日以後陛下親行
其禮

翰林學士王珪上仁宗諡號曰臣謹案曾子問曰賤不
誅貴幼不誅長禮也惟天子稱天以誅之春秋公羊說
讀誅制諡于南郊若云受之於天然乾興元年夏旣定
真宗皇帝諡其秋始告天于圜丘史臣以爲天子之諡
當集中書門下御史臺五品以上尙書省四品以上諸
司三品以上於南郊告天議定然後連奏以聞近制惟

詞臣撰議卽降詔命庶僚不得參間頗違稱天之義臣
今擬上先帝尊諡欲望明詔有司稽詳舊典先之郊而
後下臣之議庶先帝之茂德休烈下有以信萬世之傳
臣謹議○珪又上議曰臣伏奉敕命以七月二十九日
集官於南郊壇告天請到大行皇帝諡曰神文聖武明
孝皇帝差臣撰諡議及廟號文者臣謹上議曰臣聞元
精磅礴濟萬物而不昭其迹者薦名曰天至德汪洋澤
萬世而不有其功者建諡於帝伏思在昔帝王生膺大
名終紀大行使金聲而玉振之以昭乎無窮之間者帝
莫盛於堯舜王莫隆於禹湯也蓋易名之典下不得誅
上古者將爲至尊之諡必質於郊然後定之茲所以推
天下之至美明天下之至公雖天子不得以自專也洪
惟大行皇帝躬上智之姿承累聖之序流大漢之豈弟

履放勲之欽明苞富有之業而能守以約攬泰定之勢
而弗恃以安固常邈然馳視所未形俛然積思所不及
謂天命之匪易乃嚴恭戒懼庶以陶善類之歸知括萬
慮而不可墮恩滲四垠而不可形如兩儀之無不燾載
如三辰之無不臨燭於時脩廢官繼絕世禮高年勸力
稽減常賦抑末游虛己以遇豪俊之才降志以從忠直
之諫振立賞罰而權衡之章明典禮而黼黻之宥恕刑
獄而蕩滌之惠哀困窮而衣食之人情莫不欲逸愛其
力而不勞人情莫不欲壽輔其生而不傷羣公庶尹罔
弗夷正相與謀王之朝殊鄰絕區罔弗億甯相與慕王
之境父父子兄弟弟罔弗順祇相與立王之途蓋
仁政之施沛然其若是莫之能禦也矧復耕藉於千畝
之田祿祭於先王之廟報天之誠篤則入奠於圓丘嚴

父之志盡則再侑於明堂宗室既蕃則廣諸分玉之愛
邦統未昭則豫有主器之屬下議樂之詔以考鍾石之
和置寫書之官以綴經墳之學邇英敷席圖講藝也凝
機校字資味道也藻思睿發窮聖作也飛毫灑落肆天
縱也知聲色之靡伐於德義於是乎屏燕飲之娛知雉
兔之獲殫於精神於是乎絕盤遊之欲念組織之勤則
卻服御之華念土木之費則損宮殿之麗西羌阻命不
欲久戍勞師而遂納玉關之誓南蠻肆姦不欲深入薄
寇而自致藁街之戮時則有踰沙軼漠卓犖之貢委應
圖合謀沕滴之瑞叢四十二年於茲可謂海內大治矣
竊迹羲皇之前莫索其詳自詩書之載揆厥所元
終都攸卒未有如茲之盛也方將勒洪休受永祐豈
圖神機歟厭邦鬯上延仙鼎已成不返荆山之馭玉衣

雖在空陳渭水之遊嘉原既新同軌迫至下華蓋於北極引龍輻之西巡此萬國所以摧心三靈爲之變色有司由是飭舊典冊丕稱皇哉鑠乎幾有以綏王靈而炳帝烈也謹案諡法一民無爲曰神經緯天地曰文通達先知曰聖保大定功曰武照臨四方曰明慈惠愛親曰孝若乃羣生嘒嘒鼓之舞之不知至化之所自然非至神乎制作禮樂際天接地煥然而大備非至文乎永惟宗廟之奉實發先識以建大本非至聖乎戴白之老不識兵革之警非至武乎遐末荒昧之情格於聰明而無所遺非至明乎惇序九族以述夫祖先之志非至孝乎粵廟號之建尙矣維其歷古聖賢之君莫不極所以尊明令顯之稱又或至於代相襲之夫仁者聖人之盛德豈獨未有以當之邪抑當時鴻儒鉅學乃略於稽求將

天之所啓期以克配大行之廟乎詩云維天之命於穆不已此之謂歟惟功以創業爲祖德以守成爲宗皆尊尊之大誼也大行皇帝尊諡宜天錫之曰神文聖武明孝皇帝廟曰仁宗臣謹議

乾學案王珪此議本無關於喪禮以其爲帝王諡議不可不存其一故備錄之

治平四年正月八日英宗崩神宗卽位十一日大斂二月三日殯四月三日請諡十八日奏告及讀諡冊於福甯殿七月二十五日啓敢八月八日靈駕發引二十七日葬永厚陵禮院準禮羣臣成服後乘布裏鞍韉小祥臨訖除頭冠方翬大袖大祥臨訖裏素紗軟腳幘頭黻公服乘阜鞍韉禫除訖素紗幘頭常服黑帶二日改吉服去佩魚虞圭至自掩壙五虞皆在途四虞於集英殿

曲赦兩京畿內鄭孟等州如故事

元豐八年二月五日神宗崩哲宗卽位十三日大斂帝成服十七日小祥四月一日禫除七月五日請諡於南郊九月八日讀諡寶冊於福甯殿二十三日啓載十月一日靈駕發引二十一日葬永裕陵二十九日虞主至十一月一日虞祭於集英殿自復土六虞在途太常卿攝事三虞行禮於殿四日卒哭五日祔廟是月冬至百官表賀崇政殿說書程頤言神宗喪未除節序變遷時思方切恐失居喪之禮無以風化天下乞改賀爲慰不從紹聖四年太史請遷去永裕陵禁山民塚一千三百餘以便國音帝曰遷墓得無擾乎若無所害則令勿遷果不便國音當給官錢以資葬費

元符三年正月十二日哲宗崩徽宗卽位詔山陵制度

並如元豐七月十一日啓載二十日靈駕發引八月八日葬永泰陵九月九日以升祔畢羣臣吉服如故事紹興五年四月甲子徽宗崩于五國城七年正月問安使何蘄等還以聞宰執人見帝號慟擗踊終日不食宰臣張浚等力請始進糜粥成服於几筵殿文武百僚朝晡臨於行宮自聞喪至小祥百官朝晡臨自小祥至禫祭朝一臨太常等言舊制沿邊州軍不許舉哀緣諸大帥皆國家腹心爪牙之臣休戚一體至於將佐皆懷忠憤宜就所屯自副將而上成服日朝晡臨故校哭於本營命徽猷閣待制王倫等爲奉迎梓宮使六月張浚請諡於南郊戶部尙書章誼等言梓宮未還久廢諡冊之禮請依景德元年明德皇后故事行埋重虞祭祔廟之禮及依嘉祐八年治平四年虞祭畢而後卒哭卒哭而

後祔廟仍於小祥前十日行之異時梓宮之至宜遵用安陵故事行改葬之禮更不立虞主從之九月甲子上廟號曰徽宗九年正月太常寺言徽宗及顯肅皇后將及大祥雖皇堂未置若不先建陵名則春秋二仲有妨薦獻請先上陵名宰臣秦檜等請上陵曰永固徽宗與顯肅初葬五國城十二年金人以梓宮來還將至帝服黃袍乘輦詣臨平奉迎登舟易總服百官皆如之既至行在安奉於龍德別宮帝后異殿禮官請用安陵故事梓宮入境卽承之以梓有司預備袞冕翬衣以往至則納之槨中不復改斂

北盟會編紹興三十一年五月十九日金人使上將軍殿前都檢點高景山通議大夫刑部侍郎王金來賀生辰奏言淵聖皇帝升遐等事上號慟歸禁中○□□日宰執入堂議事服常服金帶率文武百官入和甯門到天章閣南行路隙地面北立班左僕射陳康伯稍前讀孝慈淵聖皇帝舉哀文曰今月十九日金國報孝慈淵聖皇帝升遐矣舉哀退復位哀十五聲再拜興是時禁中亦行舉哀之禮痛口於外宰執以下舉哀訖回班面東後殿進名慰皇帝兩拜次進名奉慰皇后兩拜訖退自是不視事○二十三日己未安奉淵聖皇帝几筵於學士院內用巳時八刻宰執入堂俟午正率百官服常服黑角帶入和甯門裏幕次俟立重訖入几筵殿下舉哀朝臨四拜訖入堂至申時脯奠如朝臨之儀○六月二日癸卯以淵聖皇帝升遐憂戚之情詔告天下○二日宰執殿內素幄奉事訖赴几筵朝臨如儀○二日宰執掛服宰執服常服黑角帶入赴朝臨訖退

出和甯門外滿院以俟掛服至良時八刻巽時宰執百官並服孝服入殿下立班俟前皇帝至几筵殿下并陪位官行成服祭奠之禮訖皇帝歸幄次宰執百官詣東幄前左僕射陳康伯班首躬省致辭奉慰兩拜訖退歸幕次皇帝還內宰執百官於几筵殿門外面南進名奉慰皇帝兩拜訖退仍服孝服朝晡臨如儀○二十七日宰執以下並赴几筵殿門外面南科第一次奏請皇帝聽政表知樞密院事葉義問白巾幘頭常服黑角帶拜表於宮門裏東廊止及絞磚席屋下立班閣門報內降批荅一道○二十八日宰執服孝服內殿奉事畢退赴朝臨訖詣几筵殿門外先拜批荅兩拜次拜奏請第二聽政表又拜奏請第三聽政表

梓宮未還乞依景德元年明德皇后故事行埋重虞祭祈廟之禮太常寺言檢會山園陵故事梓宮發引日皇帝於宣德門外奉辭百僚於板橋奉辭其掩皇堂日奏請神靈上虞主訖埋重於皇堂隧道次行第一虞至瓊林苑行第七虞祭畢迎虞主於集英殿皇帝於殿門奉迎百僚於板橋奉迎至殿皇帝行安神燒香之禮訖次有司行第八虞至第九虞祭畢皇帝行卒哭之祭至祈廟前一日皇帝齋於垂拱殿祈廟日自集英殿導至宣德門外奉辭有司奉虞主至太廟行祈廟之禮於故事即無該載廟門外埋重之文今來欲比祈故事於祈廟前擇日自几筵殿迎重於報恩廣孝觀權行安奉是日皇帝先次几筵前燒香如宮中之儀畢還內次宰執率百僚燒香畢退禮儀使率合迎重有司奉迎詣本觀俟

時奏請神靈上虞主訖埋重於本觀利方次太常卿行第一虞祭至第七虞祭畢迎奉虞主還几筵殿日百僚於行宮門外奉迎至几筵殿門皇帝履袍奉迎前導虞主升殿畢次詣逐位行禮訖還內次有司行第八第九虞祭至祔廟前二日皇帝行卒哭之禮祔廟前一日皇帝齋於內殿有司不奏刑殺文書至祔廟日皇帝自几筵殿導虞主至行宮門外奉辭畢禮儀使奉虞主詣太廟奏請神靈上神主訖以次行祔廟之禮今來欲依明德皇太后攢殯故事先行虞祭畢次行卒哭而後祔廟若將來迎奉梓宮到合遵用永安陵故事行改葬之禮更不立虞主從之

朱史禮志紹興三十一年五月金國使至以欽宗訃聞詔朕當持斬衰三年之服以申哀慕是日文武百僚並常服黑角帶去魚詣天章閣南空地立班聽詔旨舉哀畢次赴後殿門外進名奉慰次詣几筵殿焚香舉哭六月權禮部侍郎金安節等請依典故以日易月自五月二十二日立重安奉几筵至六月十七日大祥所有衰服權留以待梓宮之還從之七月宰臣陳康伯等率百官詣南郊請謚廟號欽宗遙上陵名曰永獻其餘並如徽宗典禮

南宋大喪通儀上

乾學案北宋諸帝喪儀略見宋史禮志南宋以後闕焉不載文獻通考中載有國卹儀其上篇與宋史文同蓋通考作於前宋史撰於後故志文多本之也其下篇則多載南宋帝后喪紀而總雜無序尋考宋史紹興元年孟

皇太后崩七年徽宗皇帝及鄭皇后崩問至
十二年梓宮至二十九年章皇太后崩三十
一年欽宗崩問至高宗為太上皇高宗十五
年崩慶元三年憲聖吳太皇太后崩高宗后
也六年慈懿李太后崩光宗后也是年
恭淑楊皇后崩甯宗后也貴與隨事類序不
分前後必以年月考之然後可知其間皇后
喪儀及因事變禮提附正條錄其餘為此篇
名之曰南宋大喪通儀

文獻通考發哀○宋國恤喪禮自聽遺誥始是日皇帝

服白羅袍黑銀帶絲鞋白羅軟折上巾皇太后初喪皇帝服素紗軟幘頭白羅衫黑銀

班定禮直官引班首出班於班前南向立搢笏聽宣遺

誥諸遺次歸位並舉哭一十再拜移班稍南立班首稍前躬

身奉慰凡奉慰有皇太后並先慰皇太后後做此

舉臨○故事未成服以前行在文武百僚諸司長吏以

上及近臣列校每日朝脯臨於宮廷其餘職事官品於

宮門外詣殿下立班再拜訖禮直官引班首詣香案前

搢笏三上香出笏歸位舉哭一十五音再拜訖退班自

是朝脯臨小祥後朝一臨至外朝禫除止每七日皆臨

至四十九日止禫除後山陵前遇朔望日朝臨值雨或

霑濕權免入臨行在諸軍統制統領就寨掛服免入臨

其餘將副并部隊將官隊使臣并散使臣陞朝官以上

常服哭於本營三日而止其常日朝殿祇應排立行門

禁衛班直將校指揮御前忠佐俟百官赴臨即哭於殿

門外諸路監司州縣長吏以下自關報到日服布幘頭

直領襪衫上領下盤腰經以麻臨三日而除沿邊不用
舉哀皇太后崩朝晡臨至成服後三日止餘並同皇后崩發
哀次日入臨成服後三日而止餘並同

神帛○紹興三十一年五月二十二日禮部侍郎金安
節等言檢會典故竊詳神帛之制雖不經見然考之於
古蓋復之遺意也禮運曰及其死也升屋而號告曰皋
某復注云招之於天然古之復者以衣今用神帛招魂其意蓋本
於此今來孝慈淵聖皇帝神帛欲乞下太史局日下依
上件典故施行詔恭依

大斂成服○成服擇日或與大斂同日其日儀鸞司先
設素幄於几筵之側稍前時至分引行事陪位官易服
就位立班定皇帝服素服詣几筵側素幄即座太史奏
時及禮直官太常博士引太常卿素幄前俯伏跪奏大

常卿臣某言請皇帝為大行皇帝升遐成服奏訖俯伏
興內侍官為皇帝釋素服易衰服禮直官引讀祝文官
詣香案西面東立簾捲太常卿導皇帝出幄詣几筵側
西向褥位立奏請再拜哭在位官皆再拜哭太常少卿
導皇帝詣香案前三上香跪內侍進茶酒酌茶三奠酒
俯伏興奏少立俟讀祝文訖請皇帝哭盡哀在位官皆
哭盡哀請皇帝再拜在位官皆再拜太常卿導皇帝還
褥位再拜太常卿導皇帝還幄簾降太常卿奏禮畢退
百官移班進名班首出班致辭復位再拜奉慰累朝成
服典故並同

凡成服日皇帝服布斜巾四腳裙袴冠帽竹杖皇太后喪用桐木杖
腰經首經直領大袖布襪衫白絹襯衣皇太后喪用白綾襯衫小祥日
改用布四腳直領布襪衫腰布袴已上舊制並同太宗之喪太常

禮院上言皇帝服布斜巾四腳大袖裙袴帽竹杖腰經首經直領布襪衫白綾襯服諸王皇親以下亦如之加布頭冠襯服用絹皇太后皇后內外命婦布裙衫帔帕頭首經絹襯服六宮內人無帔皇帝皇后諸王公主諸縣主諸王夫人六宮內人並左被髮皇太后全被髮初可定散髮之禮言皇帝當聽政更不散髮帝日豈有居父之喪不盡禮乎朕已散髮矣中書門下樞密使副使宣徽三司使翰林學士節度使金吾上將軍文武二品以上布斜巾四腳頭冠大袖襪衫裙袴腰經竹杖絹襯服自餘百官並布幘頭襪衫腰經兩省五品御史臺尚書省四品諸司三品以上見任前任防禦團練使刺史內客省宣政昭宣閣門使前殿及入內都知押班服布頭冠幘頭大袖襪衫裙袴腰經詔都同知少府監依所定脩製又諸軍人百姓白衫紙帽子婦人素幔不花釵三

日哭而止京城內外禁止音樂自四月三日成服後至五日羣臣朝晡臨六日至八日朝臨自後每遇大小祥朔望日入臨殿庭移班近東進名奉慰從之

紹興三十一年八月太常寺檢會故事言大祥日服素紗軟脚幘頭白羅黑銀帶紹興九年正月二十五日徽宗大祥高宗服白羅袍至禫祭釋祥服日服素紗軟脚幘頭淺色黃羅袍黑銀帶乃淳熙十四年十月十一日太常寺檢照大祥日服素紗軟脚折上巾淡黃袍黑銀帶上披淡黃袍改服白袍自後每御延和殿並服大祥之服又不用阜幘頭其折上及白袍並以布為之宮中則布巾布衫過宮則衰經而杖慶元六年慈懿太上皇后崩成肅太皇太后碧羅帕頭帔白羅寬袖衫淡黃縠子裙禮例成服時於壽慈宮設

幄舉哭行成服之禮

乾學案此姑服婦之制

皇后以下行禮大行皇帝喪成服日及貴妃內外命婦
麤布蓋頭衫帔首經絹襯服六宮內人無帔白布蓋頭
長衫裙首經絹襯服內外命婦合入臨人仍加冠大行
皇太后喪成服日服齊衰布蓋頭餘並同內外命婦只帕頭
不用蓋頭餘並同皇太子服太上皇帝喪成服日服布頭冠
布斜巾布四腳大袖襪衫裙袴首經絹襯服皇孫服太
上皇帝喪成服日服布頭冠幘頭大袖襪衫袴腰經未
冠者依皇孫服制除去冠兼未赴朝謁所有朝晡臨亦
不趁赴公主服成服日布帕頭帔裙衫首經絹襯服親
王服

慶元三年太皇太后崩慶元六年太上皇后崩吳興郡

王並服布頭冠斜布四腳大袖襪衫袴腰經桐木杖絹
襯服皇太后兄弟服例禮例衰服三年若入皇城門權
易墨衰由權開門出入又逐七日百日在家設位行禮
其掛服日於當日掛服自顯仁皇后上仙韋誼等弟姪
並解官持服後做此大行皇后弟姪同

慶元六年恭淑皇后上仙太常寺言韓焯係皇后兄合
服大功九月焯之子照典故合解官持服三年從之

羣臣服大行皇帝崩成服日並斬衰服謂不緝皇太后崩服齊衰服中書

門下省樞密使副尚書翰林學士節度使金吾衛上將

軍文武官二品以上布頭冠布斜巾四腳大袖襪衫袴

袴首經腰經竹杖絹襯衫皇太后崩服同但用桐木杖

不用首經文武五品以上并職事官監察御史以上內

客省宣政昭宣使知閣門事及入內都知押班布頭冠

幘頭大袖襪衫裙袴腰經自餘文武百官三省樞密院
書令史以上及御史臺閣門太常寺引班祇應人布襪
衫腰經皇太后喪並同小祥日文武百官並改服布幘頭布襪衫
腰經布袴大祥日並改服素衫軟腳幘頭黪布公服白
鞞錫帶故例幘頭令臨安府製造給散其黪布公服錫帶令本府各支布一匹半自令包裹製造禫服日皇帝釋
黪常服文武百官如繫金玉帶佩魚者易以黑帶去魚
乘繡鞵狨座者易以阜鞵去狨座宗室出則常服居則
衰服依服屬終喪係淳熙十四年十月十一日太常寺
檢照典禮故事舊制禫服後羣臣純吉服其後易以禘
廟又易以小祥紹興七年正月二十五日詔羣臣候禘
畢純吉服繼令候過小祥日取旨及紹興八年正月二
十五日徽宗小祥二月二十三日百官純吉服淳熙十
四年高宗升遐典故詔依紹興七年施行乃聽羣臣遵

日月之制及紹熙甲寅從臣羅點等建議乞令羣臣於
易月之後未釋衰服朝會治事權用公服黑帶每遇七
日及朔望時節朝臨奉慰應於喪禮皆以衰服從事山
陵之後期與再期則又服之至大祥而後除至於燕服
亦當稍為之制去紅紫之飾此於臣子行之非有甚難
可以略存三年之制當時臺諫集議以為點等所請雖
未純如古亦略存遺意可以扶持衰薄補助名教詔從
之嘉泰元年八月八日光宗小祥禮部討論乃舍紹熙
甲寅之制乞酌紹興已行之典及淳熙申命之文令百
官過小祥純吉服自九月一日始
立銘旌○銘旌高九尺篆文官用金泥篆聖號如高宗
銘旌旛則書大行光堯聖壽憲天體道性仁誠德經武
緯文紹業興統明謨聖烈太上皇帝梓宮皇太后皇后

銘旌並做此用螭頭提墜上下板並先下文思院製造
成服日立

立重檀弓重主道也始死未作主先作重以木為之縣物焉曰重判斷始葬之為縣簪孔士重木長三尺大夫五尺諸侯七尺天子九尺既虞理之始作主以易重始死作重猶吉祭作主皆所以依神○立重大斂成服日同立擇吉時立於

靈駕前俟將來發引日捧擎至殯宮其掩櫬日埋瘞於

皇堂隧道徽宗之喪太常少卿樓炤言故事成服日立重今來與故事不同乞自聞喪次日立重命太史局就日內擇時立重詔依

禁樂○內外品官禁樂二十七日京城內外民庶自舉

哀至耐廟合行禁樂外路民庶等禁樂百日沿邊軍中

及在外諸軍軍行教閱不禁未耐廟前每遇大祠奏告

用樂去處備而不作臨安府城內外禁樂諸路準此自

起櫬日禁行在音樂至耐廟畢仍舊小祥諸路州軍縣

鎮等處前後禁樂七日紹興九年正月二十五日徽宗

顯肅大祥依昭陵故事行在禁樂七十五日臨安府屬

縣四十五日後倣此

停祭○自發哀後擇日奏告天地宗廟社稷宮觀宗廟

祭享并中小祠權停至耐廟日依舊龍圖等閣祖宗神御殿節序

且望及帝后生辰忌辰並停酌獻至大祥後依舊

殿櫬至百日○殿櫬行於大斂之後高宗崩大斂成服後五日而殿櫬或與

大斂同日孝宗崩大斂成服同日立重殿櫬或行於小祥之後顯仁皇太后崩以

其日行燒香禮前一日儀鸞司先設素幄於殿前櫬方

位之東稍前其日祭時至都大主管喪事官行祭主之

禮以俟太史報時及導奉梓宮至殿櫬方位其合用儀

物令都大主管喪事官監視殿櫬訖分引行事陪位官

就位立班定皇帝服衰服復詣素幄卽座禮直官太常

博士引太常卿當幄前俯伏跪奏太常卿臣某言請皇

帝為大行太上皇帝殿櫬行燒香之禮奏訖俯伏興禮

直官引讀祝文官詣案北面南立簾捲前導官前導皇帝出幄詣殿上褥位北向立奏請拜皇帝再拜哭在位官皆再拜哭前導官前導皇帝香案前奏請上香跪內侍進茶酒奏請酌茶酒奏訖俯伏興奏請少立俟讀祝文官稍前跪讀祝文奏請皇帝哭再拜在位官皆哭再拜訖前導官前導皇帝還褥位奏請拜皇帝再拜在位官皆再拜訖前導官前導皇帝還幄簾降太常卿奏禮畢退百官移班稍南進名班首出班致辭復位再拜奉慰退

皇太后殿攢則太常卿奏云請皇帝為大行皇太后殿攢行燒香之禮餘並同上儀十三日小祥外朝以日易月之制行奠祭禮其

日儀鸞司先設素幄於几筵殿之東時將至行事陪位官就位立班皇帝服衰服詣幄即御座簾降太常卿當幄前跪奏請皇帝行奠祭之禮簾捲前導官導皇帝出幄詣殿下褥位向西立奏請再拜舉哭皇帝再拜舉哭在位官皆再拜舉哭前導皇帝升殿詣香案前三上香內侍進茶酒酌茶三奠酒俯伏興奏請少立讀祝文官跪讀祝文訖奏請哭盡哀皇帝哭盡哀在位官皆哭盡哀奏請再拜皇帝再拜在位官皆再拜前導皇帝降階殿下褥位西向立奏請皇帝再拜在位官皆再拜前導皇帝還幄簾降奏禮畢百官奉慰如上儀皇帝改服大祥服二十五日大祥外朝以日易月之制行奠祭禮如前祭儀是日皇帝改服禫服二十七日禫除奠祭如前祭儀是日皇帝釋禫服百日皇帝不御殿於几筵前行燒香禮如宮中之儀行在禁屠宰三日係前後各一日諸路庶民禁樂并屠宰一日宰臣率百官入臨奉慰

讀禮通考卷第六十九
紹興二十九年十二月五日禮部太常寺言檢照元豐二年慈聖光獻皇后上僊太常禮院言案禮葬而後虞虞而後卒哭卒哭而後耐景德中明德皇后以百日為卒哭蓋古之士禮不當施於朝廷詔改卒哭為百日自是以後慈聖光獻皇后及宣仁聖烈皇后遇百日並不該載外禮數皆於神王耐廟以前行卒哭之祭乞令給會臺諫同禮官參酌取裁詔依

讀禮通考卷第六十九

讀禮通考卷第七十

經讀官禮部侍郎兼翰林學士致齋居吉美大清真統密齋御史總裁徐乾學

喪儀節三十三

國恤五

南宋大喪通儀下

附遼金二代儀

南郊請諡○請諡於南郊先是太常寺已依例集諡號於尚書省侍從臺諫兩省官監察御史以上赴尚書省集諡郎官以上書諡考功擬諡詔恭依諡號既定翰林學士撰諡議諡議既定攝太傅上諡議投進入內次日奉皇帝命上諡冊寶於靈座前

攝太傅以宰臣為之

南郊請諡儀注

其日文武百寮並赴南郊幕次各服其服行事官服祭服陪位官服常服吉帶有司設權置諡議匣案褥位於午階下稍西東向次設禮科御史臺閣門太常寺分引文武百寮入詣午階下之南北向立次引奉禮郎太祝太官令詣陪位班之前後褥位立次引舉諡議官詣讀諡議案之後褥位立次引舉諡議官詣讀諡議案之東西向褥位立贊者曰拜在位官皆再拜奉禮郎太祝太官令陞壇各就位立禮

謚冊寶內侍官請降謚冊寶將出次引奉謚冊官奉謚
寶官於內侍處受冊寶於殿門上幄次權置定次禮直
官贊者引太傅以下詣殿門下隨地立班再拜訖如值雨或泥溽
幄次權安奉訖太傅以下退歸本司宿齋其日文武百
僚入詣幕次有司設權置冊寶褥位於殿下東向次奉
謚冊寶入太傅以下行禮官竝後從至殿階下東向權
置位冊北寶南太傅以下權退歸幕次俟有司排辦畢
備御史臺閣門太常寺分引文武百僚詣殿東裏外隨
地之宜立班次次禮直官引讀冊中書令讀寶侍中詣
冊寶之後褥位立次引舉寶官於讀冊中書令讀寶侍
中之後立次引奉謚冊寶官詣冊寶案之南東向立次
引奉上謚冊寶太傅詣殿下褥位西向立定禮直官贊

太傅躬拜在位官皆再拜訖次引太傅升殿詣香案前
搯笏三上香跪一酌茶三奠酒執笏俛伏興再拜訖降
階復位少立次再引太傅詣殿下褥位北向俛伏跪奏
稱太傅臣某言奉詔謹奉上大行皇帝謚冊寶奏訖俛
伏興退復位奉謚冊官詣冊案前立次舉冊官詣冊案
搯笏跪舉冊匣興凡舉冊寶皆禮部職掌助舉職掌先捧冊案升殿詣殿
上香案前置於褥北向次奉謚冊官搯笏奉謚冊以引
太傅詣冊匣之後搯笏興少退稍西褥位東向立舉冊
官執笏興少立次引讀冊中書令升殿詣冊案之後北
向立舉冊官搯笏跪舉冊讀冊中書令搯笏跪讀冊訖
執笏興降復位舉冊官奠冊舉冊匣興職掌先捧冊案
於殿上稍東褥位置定舉冊官舉冊匣跪置於案上舉
冊官執笏興降復位初讀冊官讀冊將畢次引奉冊寶

官詣寶案前舉寶官搢笏跪舉寶盞與職掌先捧寶案
升詣殿上香案前置於褥位北向次奉謚寶官搢笏奉
寶盞次引太傅降階於寶盞之後搢笏次奉謚寶官以
寶盞授太傅太傅受訖奉謚寶官執笏退復位立次舉
寶官舉行太傅升殿至褥位北向跪奠寶盞於案上太
傅執笏與少退稍西褥位東向立次舉寶官執笏與少
立次引讀寶侍中升殿詣寶案之後北向立舉寶官搢
笏跪舉寶次讀寶侍中搢笏跪讀寶訖執笏與降復位
立舉寶官奠寶舉寶盞與職掌先捧寶案於殿上稍東
褥位置定舉寶官舉寶盞跪置於案上舉寶官執笏與
降復位立次引太傅降復位西向立定禮直官贊太傅
躬拜在位官皆再拜如值雨泥淨隨宜於外并廊上趨那立班次移班稍東進名
班首出班致詞復位再拜奉慰退謚冊寶於本殿安奉

令本殿官交割權行收掌至發引日降出付禮部陳列
奉上謚冊寶合用擡擊謚冊寶輦官二十四人人員節
級二人執擊治冊寶法物文武官二十二人人員一人
儀衛皇城司親事二十人人員一人令御輦院殿前司皇城司衛仗司依數差撥照應又俟發

引日於梓宮前儀衛司掛列擡擊依此進謚寶冊於櫬宮

啟櫬○前三日奏告天地宗廟社稷宮觀其日俟總護

使先差執政一員為之行啟櫬禮畢奏遷梓宮還殿安奉訖行事陪

位官竝服初喪服內不曾製孝服者常服黑帶就位立班皇帝服初喪之

服詣帳卽御坐簾降引太常卿當幄前跪奏請皇帝行

啟櫬祭奠之禮簾捲前導官導皇帝出幄詣殿上褥位

西向立奏請拜皇帝再拜舉哭在位官皆再拜舉哭前

導皇帝詣香案前北向立奏請皇帝三上香跪內侍進

茶酒奏請皇帝酌茶三奠酒俛伏興奏請少立讀祝文

訖奏請哭再拜皇帝哭再拜在位官皆哭再拜前導皇
帝還褥位西向立奏請拜皇帝再拜在位官皆再拜前
導官導皇帝歸御幄簾降奏禮畢百官奉慰如上儀自
是百僚並服初喪服朝一臨臨退不易服至發引奉辭
靈駕畢易常服黑帶自啟轎後前廟前臨安府內外禁樂諸路準此
發引○三日前差官奏告用大昇輦并龍輜一副先下文
造總護使一員為之橋道頓遞使一員侍從主管梓宮前并
回程應干事務一員內侍為之○紹熙元年四月二十九
日太常寺檢會故事差攝太傅持節導梓宮題冊寶監
鑾立宮太常少卿執翼者障梓宮攝司徒率梓宮官升
大昇輦及引梓宮即立宮又攝司空復土九錡監察御
史監鑾立宮少府監進龍輜將作監捧梓宮登龍輜兼
鑾立宮宗正卿充九虞及掩立宮饗官差題虞主官并

題神主官殿前司依例差彈壓將官一員甲軍一百人
用鹵簿儀仗依例權以儀衛服青紫褐衫執持儀物充
代主管禁衛所先相度差撥其沿路引導宿頓排設用
警場鼓吹挽歌依例係總護使同橋道頓遞使前二日
都大主管官禮部太常寺先就貢院案閱警場台用金鈺
一十二人鼓手六
十人鳴角六人逐色教頭共五人武嚴教頭三人管轄人員二人部押使臣一
人一鼓吹合用鼓吹令丞職掌府典史引樂官共一十人歌色一十六人篳篥色
三十六人笛色三十六人簫八人大鼓一十六人節鼓一人金鈺四人擗擊人兵
共一十人挽歌合用押教一人執色四十八人挽詞翰林學士中書舍人撰
十首文臣職事官各一首導引歌詞學士院撰前一日先於太常寺教習其排設
鼓吹警場及擗擊節級軍兵借差殿前步軍司人并太常寺所差人吏職級樂正
係紹興二十九年例借請本身是日行啟奠祖奠遣奠禮攝太傅
後從皇帝行禮又差攝侍中少傅等官所有祭器用牙
牀三張並先下文思院製造陪位行事官外餘文武百
官並免立班於城外奉辭靈駕其哀謚冊寶於梓宮前
禁衛內排列沿路排祭依例壓祭絹內宰相使相各五

十匹侍從臺諫各三十匹管軍知省知閣御帶御藥門
司直殿等各二十四匹六曹郎官寺監卿少等各一十四匹
淳熙十四年例其經過州縣合行排祭不係經過州縣並免至櫺
宮前一日差官奏告紹熙五年閏十月七日橋道頓遞
使司言將來梓宮發引渡江依舊例梓宮前後官司除
內人船外竝於前兩日渡江度得整肅不致諠譁從之
十日御史臺又言勘會梓宮發引日百官出城奉辭合
設文臣路祭一座乞依例應臣選人並照本身料錢每
三十貫文省於臨安府送納令本府排辦候畢如有支
不盡錢繳納左藏庫從之十一月十四日詔靈駕發引
其排列禁衛諸班直親從等并殿前司擺觀經由道路
坊巷官兵折食錢依淳熙十五年例令戶部日下特與
倍支啟奠○有司設牙牀牲牢醴饌太傅宰執總護使

皇親侍中前導官及應陪位官外餘文武官並免立班
徑赴城外候靈駕奉辭合行事陪位官就位立班皇帝
服衰至御幄卽座侍衛之官各服初喪之服簾降太史局報時前三刻太
常卿當幄前跪奏請皇帝行啟奠之禮簾捲前導官導
皇帝出幄詣殿上褥位西向立奏請拜舉哭皇帝再拜
舉哭在位官皆再拜舉哭內侍官捧盤匱帨巾酒爵以
進奏請去杖盥手帨手洗爵拭爵前導官導皇帝詣靈
座前太傅後從凡升降及祖奠遣奠禮皆太傅後從奏請跪三上香進幣爵酒官
西向跪進幣次進爵酒奏請受幣奠幣執爵三祭酒奠
爵俛伏興奏請執杖少立哭止讀文訖奏請哭再拜皇
帝哭再拜在位者皆哭再拜前導官導皇帝還褥位西
向立奏請拜靈駕少駐俟權置定輦官等竝權退如有
皇太后卽服衰服先詣梓宮前舉哭行燒香禮皇太后

燒香禮畢然後有司設牙牀行啟奠禮有皇太子同太傅等官立班

祖奠○俟啟奠既徹後有司設牙牀醴饌應行事陪位官詣殿下北向立太常卿當幄前跪奏請皇帝行祖奠之禮簾捲前導官導皇帝出幄詣殿上西向褥位立奏請拜舉哭行禮竝如舉奠之儀訖前導皇帝於稍東褥位西向立太傅宰執前導官總護使司官屬權退次引皇親南班官

於殿下稍東有皇太子則引皇太子升殿詣皇帝褥位之東西向立總護使升殿於皇太子之後西向立禮直官引侍中奏請靈駕進發如行啟奠之禮少府監帥其屬進龍輜於殿下輦官等升捧梓宮太傅持節導梓宮進發降殿太常少卿帥節嬰者分左右障梓宮初梓宮降殿靈駕前奏請梓宮升龍輜將作監捧梓宮登龍輜挽士奉引至門外侍中奏請

靈駕權駐升大昇舉皇帝歸幄簾降陪位少退前導官立於御幄前如有皇太后即詣梓宮前舉哭行燒香禮奉辭還宮

遣奠○俟少傅率梓宮官係將作監奉梓宮升大昇舉訖有司設哀冊牙牀牲牢醴饌次引讀冊舉冊官進幣爵酒官各隨地之宜立酌酒官於酒尊之後立陪位官皆立如祖奠之儀太常卿當幄前跪奏請皇帝行遣奠之儀簾捲前導官導皇帝出幄詣大昇舉之前褥位立奏請拜舉哭盥手帨手洗爵拭爵上香進幣爵酒受幣奠幣執爵三祭酒奠爵俛伏興皆如啟奠之儀奏請執杖少立哭止讀哀冊官跪讀哀冊訖奏請哭拜如上儀皇帝權歸幄次禮直官引侍中奏請靈駕進發有司率僧道儀衛法物等前引靈駕前導官導皇帝出幄舉哭執綵繩

俟大昇舉進發內侍官割繩前導官導皇帝歸幄哭止
簾降前導官退皇帝釋衰服服折上巾白袍黑銀帶以
俟還內管及應奉官就大昇舉前奉辭易常服黑帶從
駕總護使頓遞使都大主管官於皇帝幄次朝辭餘行
事官免又其餘文武百官城外奉辭靈駕訖進名奉慰
紹興元年四月二十九日太常寺言明德皇后故事行遣奠禮讀哀冊奉
辭訖皇帝吉服還內衰服並焚之係大行太皇太后發引之日檢會故事

掩攢○掩攢并神主耐廟用虞主一神主一大匱二小
匱二腰輿二汲水鐵浴桶二紫羅衣矮香几二白羅拭
巾二長八尺筆硯墨一副白羅巾二各長八尺小尺皇襯藉神主
虞主紫羅褥子二浴斛跌座二錦褥曲几二衣子油絹帕二
各三幅罩匱羅夾帕二各二幅大行皇帝用并祔室法物等並先
下文思院製造攢宮內安設用黝三匹纁二匹下左藏庫
好物贈玉一段盛勳纁贈玉匣牀及帕監掩攢宮差攝太傅并復土九

鋪差攝太保以侍其日俟大昇舉詣宮侍中詣大昇舉前俛
伏跪奏稱侍中臣某言請靈駕降輦升龍輅詣獻殿奏
訖俛伏興有司捧梓宮升龍輅入詣獻殿上訖俟掩攢
日時前行遷奠禮有司於梓宮前陳設祭器實設禮料
畢先引陪位官竝立定次引奉禮郎已下入就位立定
次行禮總護使詣殿梓宮前立贊者曰躬拜總護使再
拜在位官皆再拜舉哭次引奉禮郎太祝太官令各入
就位立定次引行禮總護使詣盥位盥手俛手洗爵拭
爵詣酒尊所跪執爵俟太官令酌酒訖興詣梓宮跪上
香奉禮郎奉幣行禮總護使再拜舉哭在位官皆舉哭
總護使復位又再拜在位官皆再拜訖哭止次引總護
使詣望瘞位立奉禮郎太祝太官令重行立定有司瘞
祝幣訖退俟掩攢時至引侍中詣梓宮前奏侍中臣某

言請靈駕赴欗宮奏訖俛伏興有司捧遷梓宮少傅引梓宮卽欗宮畢權退俟梓宮進皇堂訖次引將作監掩欗宮太傅監察御史竝監掩欗宮次引少保復士九鋪俟掩欗宮將畢內謁者浴虞主訖以羅巾拭訖引內謁者詣欗宮俛伏跪奏稱內謁者臣某言請神靈上虞主奏訖俛伏興扶持夾侍啟匱覆訖捧腰輿內侍捧遷虞主升腰輿至獻殿上南向權置定次引內謁者謁虞主腰輿前俛伏跪奏稱內謁者臣某言請虞主降輿升座內侍捧虞主卽坐訖權退俟掩欗宮訖次詣虞主前行虞祭禮是日百官進名奉慰總護使率應在欗宮官奏表奉慰清熙十五年三月十八日右丞相周必大等言檢點故事山陵五使係隨神主還京徽宗欗之時緣紹興七年先已立虞廟總護使所以徑赴行在後來顯仁皇后掩欗誤用變禮今來神主在塗事體不同臣等欲參酌典故導從渡江餘行事官自依已降指揮先回從之虞主神主○紹興七年閏十月二十五日朱震充題神

主虞主官案後漢禮儀志桑木主尺二寸不書諡又案杜佑通典載儀注虞祭之禮止言太祝捧主匱置於座啟匱於前捧出神主不言題諡附廟之禮則曰享前一日質明太祝以香湯浴栗主拭以羅巾題栗主官盥洗捧栗主就褥題神主墨書訖以光漆重模之則是唐制惟題栗主亦不題虞主也宋朝仁宗皇帝上僊呂夏卿奏請虞主不題諡詔兩制及待制以上官與禮官會議翰林學士承旨孫抃等奏乞如夏卿所奏從之今欲乞依漢唐及仁宗山陵故事虞主更不題諡俟附廟前期一日恭依敕命書題神主詔恭依三十二年二月二十七日太常少卿王普言謹案通典神主之制有匱有趺其匱底蓋俱方底自下而上蓋從上而下與底齊今太廟祖宗帝后主之匱有益無底雖

無祔室牙牀各設跌座然祭享遷奉之時惟置蓋以覆神主在中不免欹側動搖有乖嚴奉豈渡江之後失其舊制邪茲者恭文顯德仁孝皇帝神主虞主之匱欲依通典竝造底蓋仍乞漆造祖宗帝后神主匱底庶得合於禮制兼亦便於遷奉詔依

第一虞至第六虞祭○太常卿既行掩櫝宮之禮竝如

遷奠之儀惟不用陪位官掩櫝之後總護使以下竝易常服黑帶

奉迎虞主○依例用細仗五百人太常鼓吹一百三十

人下兵部太常寺差撥及神主附廟日同

山陵等使竝隨還京文武百僚合出城

奉迎虞主官竝常服黑帶其威儀僧道儀衛親從等竝

詣權安虞主幄次前排立禮直官引禮儀使升詣虞主

香案前搢笏上香再上香三上香執笏降復位再拜在

位官皆再拜訖次引禮儀使都大主管官以下詣虞主

幄前褥位立班定禮直官贊拜禮儀使拜在位官皆再

拜次引禮儀使升詣虞主香案前搢笏三上香執笏降

復位再拜在位官皆再拜訖次引禮儀使都大主管官

升詣殿幄分立定禮直官引內謁者詣虞主腰輿前俛

伏跪奏稱內謁者臣某言請虞主進行奏訖俟虞主進

行至宮門外禮儀使以下竝權退以俟皇帝行奉迎之

禮其僧道儀衛親從等止於宮門外退虞主將至皇帝自內服履袍歸御幄簾

降禮直官太常博士太常卿於幄前俟虞主將至殿前

扶持夾侍捧腰輿入殿禮直官太常卿當幄前俛伏跪

奏稱太常卿臣某言請皇帝奉迎虞主行安神之禮奏

訖俛伏興退復位簾捲前導官導皇帝出幄詣殿門內

奉迎虞主升殿至殿上權駐前導官導皇帝於殿上稍

東褥位少立次引內謁者詣虞主腰輿前俛伏跪奏稱

內謁者臣某言請虞主降輿升座權安奉奏訖俛伏興退內侍扶捧虞主升座啟置於後以巾覆之訖少退前導官導皇帝詣殿下褥位西向立奏請拜皇帝再拜訖前導官導皇帝升殿詣虞主香案前奏請皇帝上香再上香三上香又奏請皇帝再拜訖前導官導皇帝降階復位西向立俟內侍啟巾捧置覆虞主訖前導官導皇帝歸御幄簾降禮直官太常博士引太常卿當幄前俛伏跪奏稱太常卿臣某言禮畢奏訖俛伏興前導官導皇帝還內百官進名奉慰次宗正卿以酒脯行安神禮如有太皇太后皇太后俟內侍奉虞主升座後前導官導皇帝權歸御幄次提舉官奏請太皇太后皇太后詣虞主前北向立內侍官啟置於後以羅巾覆之訖少退太皇太后皇太后行安神燒香禮如宮中之儀訖退宿

熙十五年二月宰執進呈虞主祭乃吉禮合用靴袍上曰只用布折上巾黑帶布袍可也

第七至第九虞祭○竝皇帝親行禮間日而祭其日有司設牙牀牲牢醴饌行禮前御史臺閣門太常寺先引文武百官詣几筵殿裏外立班定次禮直官引讀文官詣殿上東向立進幣爵酒官詣殿上西向立酌酒官於殿上酒罇之後北向立定次禮直官太常博士引太常卿詣幄前立定皇帝入御幄簾降禮直官太常博士引太常卿當幄前俛伏跪奏稱太常卿臣某言請皇帝行虞祭之禮奏訖俛伏興退復位簾捲前導官導皇帝出幄詣殿上褥位西向立內侍啟虞主置於後以羅巾覆之訖奏請皇帝再拜在位官皆再拜內侍進盤匱沃內侍奏請皇帝悅手內侍進爵又奏請皇帝洗爵內侍進

言元...
巾又奏請皇帝拭爵訖前導官導皇帝詣虞主前奏請
皇帝跪三上香進幣爵酒官搢笏跪先進幣次進爵酒
又奏請皇帝受幣奠執爵三祭酒於茅苴奠爵訖俛伏
興又奏請少立讀祝文官搢笏跪讀祝文訖奏請拜皇
帝再拜在位官皆再拜前導官導皇帝還褥位西向立
奏請拜皇帝再拜在位官皆再拜訖內侍啟虞主巾捧
匱覆虞主訖前導官導皇帝歸御幄簾降禮直官太常
博士次引太常卿當幄前俛伏跪奏稱太常卿臣某言
禮畢訖俛伏興退復位前導官退陪位行事官以次退
文武百僚進名奉慰第八第九虞竝如上儀第七第八第九虞祭禮例開日
卒哭○其日有司設牙牀牲牢醴饌行事陪位官就位
立班皇帝御幄簾降次引皇太子宰執從駕官立班太

行禮九虞既畢以附廟前二日皇帝親行卒哭之禮如太史局所選
附廟日辰稍遠則合三日一虞九日行九虞禮畢以附廟前日卒哭

常當幄前跪奏請皇帝行卒哭之祭簾捲前導官導皇
帝出幄詣殿上褥位西向立內侍啟虞主匱於後以白
羅巾覆之皇太后虞主覆以青羅巾奏請拜皇帝再拜在位官皆再拜內
侍奉盤匱俛手巾酒爵以進奏請皇帝盥手俛手洗爵
拭爵前導官導皇帝詣虞主前奏請皇帝跪三上香進
幣爵酒官跪進幣次進爵酒奏請皇帝受幣奠幣執爵
酒三祭酒於茅苴奠爵俛伏興奏請少立讀祝文官跪
讀祝文訖奏請拜皇帝再拜在位官皆再拜前導官導
皇帝還褥位西向立內侍啟虞主巾捧匱覆虞主前導
官導皇帝歸御幄簾降奏禮畢百官進名奉慰
神主附廟○用細仗二百人紹興十五年四月添作五百人差官奏告仍行
享太廟別廟禮差初獻亞獻官差侍從一員題附廟神
主神主附廟合添一室先令兩浙運司計會太常寺修

蓋又造室牌一面先進請御書修製畢
皇帝行甯神奉辭之禮○其日儀仗鼓吹僧道儀衛等
於門外排立皇帝詣几筵殿前御幄簾降太常卿當幄
前跪奏請皇帝行甯神奉辭之禮簾捲前導官導皇帝
出幄詣几筵殿上褥位西向立內侍啟虞主置於後以
白羅巾覆虞主訖皇太后虞主則用青羅巾奏請拜皇帝再拜前導官
導皇帝詣虞主香案前奏請皇帝三上香又奏請皇帝
再拜前導官導皇帝詣殿門外御幄簾降輦官擎腰輿
詣几筵殿下置定內謁者詣虞主前跪奏請虞主降座
升輿進行奏訖內侍啟羅巾以匱覆虞主扶持夾侍捧
腰輿官奉虞主升腰輿輦官擎輿進行虞主將至宮門
御幄簾降前導官導皇帝步導虞主進行至宮門前導
官導皇帝詣褥位西向立內謁者侍虞主前跪奏請虞

主少駐扶持夾侍輦官以下竝權退有司陳香案等前
導官導皇帝詣香案前北向奏皇帝再拜又奏請皇帝
三上香又奏請皇帝再拜前導官導皇帝歸御幄簾降
馬端臨曰秦歷代國恤遺制惟東漢史稍詳至唐而為李義甫許敬宗輩所削
盡亡其禮故唐史無可考者宋九朝史及會要所載雖詳而儀注亦多未備今
姑摘其可考者錄於此

乾學案國恤儀注莫備於唐代宗之喪杜君
卿採入通典者班班可考也至宋則政和五
禮一書不載國恤儀元人修宋史於凶禮殊
略無可得而徵馬貴與雖採九朝史及會要
撰為此篇其實疎略苟簡不及唐儀遠甚乃
知廟堂之制作惟唐人為近古豈宋臣之議
禮者所可得而彷彿哉

遼史上謚冊儀先一日於葢塗殿西廊設御幄并臣僚

幕次大樂令展宮懸於殿庭協律郎設舉麾位至日北
南面臣僚朝服昧爽赴殿塗殿先置冊寶案於西廊下
閣使引皇帝至御幄服寬衣阜帶臣僚班齊分班引入
嚮殿合班立定引冊案上殿至褥位寶案次之設於西
階閣使引皇帝自西階升殿初行樂作至位立樂止宣
徽使指皇帝鞠躬再拜陪位者皆再拜翰林使執臺琖
以進皇帝再拜引至神座前跪奠三樂作進奠訖復位
樂止又再拜陪位者皆再拜引皇帝於神座前北面立
捧冊函者去蓋進前跪冊案退置殿西壁下引讀冊者
進前俛伏跪自通全銜臣讀謚冊讀訖俛伏興復位捧
冊函者置於案上捧寶函者進前跪讀寶官通銜跪讀
訖引皇帝至褥位再拜陪位者皆再拜禮畢引皇帝歸
御幄初行樂作至御幄樂止引臣僚分班出若皇太后

奠酒依常儀

乾學案殯前上冊本凶禮也行凶禮而用盛
樂可乎且菽殿非作樂之所上謚豈作樂之
時而遼人乃冒昧行之誠失禮之甚也

金史明昌三年正月丙辰以孝懿皇后小祥尚書省請
依明昌元年世宗忌辰例請諸王陪位服黻素去金玉
之飾百官不視事禁音樂屠宰從之

讀禮通考卷第七十

讀禮通考卷第七十一

經禮書禮部待郎兼翰林院學士 禮部待郎兼翰林院學士 禮部待郎兼翰林院學士

喪儀節三十四

國恤六

明大喪儀

明會典洪武三十一年高皇帝喪禮○遺詔一天下臣民令到出三日皆釋服嫁娶飲酒皆無禁○一毋發民哭臨宮殿中當臨者皆以旦晡各十五舉哀禮畢非旦晡臨毋得擅哭○一當給喪事及哭臨者皆毋跣經帶毋過三寸無布車兵器○一諸王各於本國哭臨不必赴京中外管營軍戍守官員毋得擅離信地許遣人至京○一王國所在文武衙門官民軍士今後一聽朝廷節制護衛官軍王自處分○一諸王不在令中者皆以

此令比類從事○部議一在京五府六部等衙門官員
聞喪次日各易素服烏紗帽黑角帶赴內府聽宣遺詔
畢於本衙門齋宿素服朝晡詣几筵哭仍各置孝服至
第四日成服朝晡哭臨至葬畢而止仍自成服日為始
服孝服二十七日而除其命婦亦於第四日各具孝服
由西華門入哭臨不許帶金銀首飾○一諸王世子郡
王王妃郡王妃郡主內使宮人等俱服斬衰三年自聞
喪第四日成服為始二十七月而除凡臨朝視事素服
烏紗帽黑角帶退朝服衰服○一官員麻布大袖圓領
衫不緝邊麻布帽就用所帶帽以布裹之仍垂帶麻腰
經麻鞋○一命婦麻布大袖圓領長衫麻布蓋頭○一
冥器行移工部及內府司設監等衙門成造照依生存
所用鹵簿器物名件○一作神主用栗木為之制度依

家禮○一差行人齋捧遺詔前去各布政司并直隸府
州衙門開讀○一在外大小衙門文武官員人等詔書
到日素服烏紗帽黑角帶行四拜禮跪聽宣訖舉哀再
行四拜禮畢各置孝服至第四日成服為始每旦率合
屬官僚人等於本衙門朝闕設香案哭臨三日而除○
一在外大小衙門各令官一員赴京致祭所用香燭祭
物禮部備辦

諡議諡冊文

太宗實錄永樂元年五月辛卯太祖高皇帝孝慈高皇
后上尊諡文曰帝王有聖德神功者必有尊諡徽稱薦
之於天刊於玉冊昭示無極故三皇之稱曰羲軒二帝
之諡曰堯舜逮及禹湯文武之稱皆由功烈謀謨之盛
此萬古不易之典也恭惟太祖高皇帝奮起淮甸仗劍

渡江英賢雲集平僞漢伐僞吳定關中廓清中原遂平
元都混一海宇不十年而成大業極天所覆極地所載
悉臣悉妾輿圖之廣亘古未有皆由具大而能化之聖
聖而不可測之神經天緯地之文保大定功之武加之
敬本於中明應於外誠以事天孝以尊親仁以育物義
以制事宵衣旰食總理萬幾制禮作樂立經陳紀昭宣
人文恢宏治化繼天立極爲天下君隆功盛德同天地
之大日月之明雖堯舜禹湯何以過也恭惟孝慈高皇
后天稟之純聖善明睿齋莊誠一輔相太祖高皇帝恭
儉勞勤功同開創齊天之德體坤之道含宏廣大孝敬
肅雍上以奉宗廟下以仁庶物儀範之隆表率宮闈母
儀天下雖塗山任姒何以過也二聖功德昭格於天臣
等謹遵古典稽謚法太祖高皇帝宜尊謚曰太祖聖神

文武欽明啟運俊德成功統天大孝高皇帝孝慈高皇
后宜尊謚曰孝慈昭憲至仁文德承天順聖高皇后謹
議

謚冊文維永樂元年歲次癸未六月丁未朔越十一日
丁巳孝子嗣皇帝臣謹拜手稽首言臣聞俊德贊堯重
華美舜禹湯文武列聖相承功德兼隆咸膺顯號欽惟
皇考皇帝統天肇運奮自布衣戡定祆亂用夏變夷以
孝治天下四十餘年民樂雍熙禮樂文章垂憲萬世德
合乾坤明同日月功超千古道冠百王謹奉冊寶上尊
謚曰聖神文武欽明啟運俊德成功統天大孝高皇帝
廟號太祖伏惟聖靈陟降陰隲下民覆燾無極與天長
存謹言寶文曰太祖聖神文武欽明啟運俊德成功統
天大孝高皇帝之寶皇妣冊文曰維永樂元年歲次癸

未六月丁未朔越十一日丁巳孝子嗣皇帝臣謹再拜稽首言臣聞自古后妃皆承世緒媯汭嬪虞發祥帝室周姜輔治肇迹邦君欽惟皇妣孝慈皇后以聖輔聖同起側微宏濟艱難化家爲國克儉克勤克敬克誠克孝克慈以奉神靈之統理萬物之宜正位中宮十有五年家邦承式天下歸仁謹奉冊寶上尊諡曰孝慈昭憲至仁文德承天順聖高皇后伏惟聖靈陟降膺茲顯名日月光華照臨永世謹言寶文曰孝慈昭憲至仁文德承天順聖高皇后之寶

永樂二十二年文皇帝喪禮○遺詔喪服禮儀一遵洪武舊制○部議一宮中自皇太子以下成服日爲始服斬衰二十七月而除親王世子郡王及王妃世子妃郡王妃公主郡主以下聞喪皆哭盡哀行五拜三叩頭禮

第四日成服斬衰二十七月而除凡王視事素服烏紗帽黑角帶退服衰服服內並停音樂嫁娶其祭祀止停百日○一在京文武官初聞喪素服烏紗帽黑角帶明日清晨詣思善門外哭五拜三叩頭退各置斬衰服於本衙門宿歇不飲酒食肉第四日成服具衰服詣思善門外朝夕哭臨三日又朝臨十日洪熙後朝各十五舉聲成服日爲始服衰服二十七日凡入朝及衙門視事用布裹紗帽垂帶素服腰經麻鞋退服衰服二十七日之外素服烏紗帽黑角帶二十七月而除聽選辦事等官服衰服監生吏典僧道人等素服以成服日爲始皆赴順天府朝闕設香案朝夕哭臨三日又朝臨十日洪熙後朝各十五舉聲仍各素服二十七日而除文武官命婦聞喪第四日各服麻布大袖圓領長衫麻布蓋頭清晨

由西華門入哭臨三日仍各去金銀首飾素服二十七日凡音樂祭祀官員軍民人等並停百日男女昏嫁官員停百日軍民人等停一月軍民素服婦人素服不裝飾俱二十七日○一在外俱以聞喪日為始令到之日文武官員素服烏紗帽黑角帶行四拜禮跪聽宣讀訖舉哀再行四拜禮畢各置斬衰服於本衙門宿歇不飲酒食肉第四日成服每旦率各屬官僚人等服衰服就本衙門朝闕設香案朝夕哭臨三日又朝臨十日洪熙以後並無各十五舉聲成服日為始衰服二十七日衙門視事用布裏紗帽垂帶素服腰經麻鞋退服衰服二十七日後素服烏紗帽黑角帶二十七月而除文武官命婦聞喪素服舉哀三日各十五舉聲去金銀首飾素服二十七日而除軍民男女皆素服一十三日凡音樂祭祀官

員軍民人等並停百日男女嫁娶官員停百日軍民停一月○一在京文武官孝服每員官給麻布一匹自製四夷使臣工部造與孝服諸王公主遣官及內外文武官員人等詣几筵祭祀者光祿寺備祭物翰林院撰祭文引赴思善門外行禮各處進香官辭歸者諸王公主所遣臨期司禮監請旨給賜其方面官與路費鈔二十錠餘十錠○一京城聞喪日為始寺觀各聲鐘三萬杵禁屠宰四十九日○一上尊諡儀具○一二十七日以後皇帝素冠麻衣麻經臨朝退仍衰服○一發引儀具○一大祥奉安神主神座儀物於太廟前一日遣官祭告太廟至上祭告几筵殿皇太后皇后以下各祭一壇王府遣官共祭一壇在京文武官員共祭一壇○一禫祭遣親王詣陵行禮

永樂二十二上尊謚儀隆慶初稍有更定者附注於下○前期三日齋戒

前一日遣官祭告天地宗廟社稷如常儀俱太常寺先期奏請各祭告用祝文

香帛果酒脯醢是日後用前一日內侍官置冊寶輿於奉天門即皇極門仍有香亭又几筵前

左右先設冊寶案捧冊寶各置輿中皇帝具衰服詣奉天門隆慶初先祭告

几筵陳設祭品如常儀祭畢御皇極門百官暫免朝參內侍官舉冊寶輿導引官導皇帝後

隨降階升輅導引官退百官序立金水橋南北向皆素冠服腰經俟冊寶

輿將至皆跪冊寶輿過畢輿皆隨至思善門外序立北

向皇帝降輅隆慶初內官導引至乾清門外降輅冊寶輿由中門入至几筵殿

丹陛上導引官導皇帝由左門入內贊唱執事官各司

其事導引官導皇帝就丹陛上拜位捧冊寶官捧冊寶

由殿左門入隆慶初由殿中門入至几筵前分左右立北向導引官

奏四拜後內贊奏皇太孫親王皇孫陪拜丹陛上百官陪拜思

善門外內贊及鴻臚寺官同時傳贊四拜畢導引官導

皇帝由殿左門入詣几筵前奏跪內贊及鴻臚寺官傳

贊皇太孫以下及百官跪奏進冊捧冊官跪進冊於皇

帝左皇帝受冊獻畢授捧冊官置於案奏進寶捧寶官

跪進如前儀奏宣冊宣冊官跪宣冊於皇帝左畢奏宣

寶如宣冊畢奏俯伏興平身四拜傳贊百官同奏復位導引官

導皇帝由殿左門出就拜位奏四拜隆慶初接行祭禮省就位四拜奏初

引官導皇帝詣几筵前就拜位奏四拜隆慶初初獻禮奏跪獻酒隆慶初初贊讀祝讀祝官讀畢亞獻終獻

獻禮奏跪獻酒隆慶初初贊讀祝讀祝官讀畢亞獻終獻

禮拜傳贊並同隆慶初初贊讀祝讀祝官讀畢亞獻終獻

由殿左門入詣神位前捧冊寶授內侍官捧入導引官

導皇帝入內奉安訖奏叩頭畢導引官導皇帝由左門

出至丹陛上奏禮畢傳贊同導引官導皇帝還宮

發引儀○發引前三日行奏告禮百官預齋戒三日隆慶

初太常寺先六日奏齋戒京城內外禁屠宰音樂敕命大臣一員護喪行禮敕把總內官敕入皇堂內官內使遣官以葬期告天

地宗廟社稷祭品行禮如常儀皇帝衰服告几筵禮如奠皇太子親王

以下皆衰服隨班行禮是日後百官衰服朝一臨至發

引日止京師內外禁樂至耐祭日止禁屠宰至葬畢日

止發引前一日遣官祭金水橋午門端門承天門大明

門德勝門并橋清河橋沙河京都應祀神祇并經過去

處應祀神祠隆慶初增祭乾清宮門隆宗門恩善門并橋歸極門御橋玉河

嶽廟城隍廟真武廟內門橋俱內官行禮至河橋是夕設辭奠隆慶初改辭

皇帝后妃皇太子親王以下皆衰服以序致祭司禮監

禮部錦衣衛官提督執事者設大昇輿於午門外依圖

式陳葬儀於午門外并大明門外發引日設啟奠內侍

陳設醴饌拜位如常儀內導引官導皇帝衰服詣拜位

皇太子親王以下各就拜位贊禮贊四拜奠帛獻酒讀

祝四拜舉哀興哀止望瘞禮畢隆慶初改望瘞為焚幣帛祝文以

禮俱內導引官導皇帝詣几筵殿內稍東西向立皇太子

親王以下丹陛上稍東西向立執事者陞徹帷幕等物

拂拭梓宮畢內侍徹啟奠內執事官進龍輜於几筵殿

下設真亭神帛輿謚冊寶輿於丹陛上設祖奠如啟奠

儀畢內導引官導皇帝詣梓宮前稍東西向立導皇太

子由殿左門入立於皇帝之南稍東西向親王以下俱

於丹陛上稍東西向立內侍於梓宮前跪奏請靈駕進

發內侍捧謚冊寶次捧神帛由殿中門出各置輿內次

捧銘旌由中門出執事官陞捧梓宮內執事執筭左右

蔽梓宮降殿內侍官於梓宮前跪奏請梓宮陞龍輜執

事官奉登龍輜訖以綵帷飾梓宮執筭仍列左右內侍

擎繖扇侍衛如儀列舊所御儀仗於前謚冊寶輿神帛

輿真亭銘旌以次而行內導引官導皇帝由殿左門出

后妃宮眷

哭於幃中

奠如祖奠儀內侍於梓宮前跪奏請靈駕進發司禮監

官率儀衛謚冊寶輿等前行皇帝后妃皇太子親王以

下皆哭盡哀內侍於皇帝前跪奏請還宮內侍導引皇

帝還宮后妃以下俱還宮

隆慶初皇

子同還

執事官昇梓宮由中

門出至午門外禮官跪奏請梓宮陞大昇輿執事官奉

隆慶初即午門內侍跪奏請梓宮陞大昇輿安置訖始行遣奠禮

禮官跪奏請靈駕

進發司禮監禮部錦衣衛整視葬儀以次前行皇太子

親王以下哭送

天順八年宏治十八年俱親王護喪行禮隆慶初遣駙馬都尉沿途至陵往返俱遣官行禮

靈駕出

至端門外行辭祖禮

後改為

執事官預設褥位於太廟中

香案前

太常寺設香燭

梓宮至端門外禮官跪奏請辭祖導引官

導皇太子易常服詣神帛輿前跪禮官奉神帛授皇太

子皇太子捧神帛由廟街左門入

隆慶初梓宮至端門外少駐導引官導遣官易淺淡色服詣神

帛輿前跪太常寺官跪於遣官之左奏請世宗肅皇帝朝祖太常寺官輿遣官俯伏輿詣輿捧帛由廟街左門入

至太廟褥位跪

置神帛於褥輿皇太子正立於神帛後贊禮贊跪皇太

子跪禮官跪於皇太子之左奏太宗文皇帝謁辭禮官

興贊禮贊俛伏興皇太子俛伏興贊五拜三叩頭禮畢

皇太子跪捧神帛輿仍由廟左門出至輿前以神帛授

禮官禮官跪受神帛安奉輿中訖

隆慶初遣官自安奉訖太常寺官跪奏請靈駕進發

跪

奏請靈駕進發皇太子仍喪服

遣官易衰服

及親王以下隨行

梓宮由承天門大明中門出皇太子親王以下俱由左

門出步送至德勝門外騎送至陵

隆慶初遣官及各衙門分定送葬官俱步送至德勝門外騎送

至天壽山紅門外仍步送至陵是日俱免辭還仍朝見

在途并至陵俱朝夕奠哭臨諸王皇

親駙馬公侯伯及文武百官軍民耆老四品以上命婦

以序沿途設次致祭

皇親命婦及文武官三品以上命婦共祭一壇於順天府前公侯伯及文武官員耆老人等共祭一

壇於土城外禪師僧道共祭一壇於清河皇親及駙馬共祭一壇於沙河祭畢文武官不係山陵執事及

分送者并命婦耆老悉還大昇輿行沿途每程預設校

尉昇送選委內官同錦衣衛官專一提督務在起止有

節行步安徐沿途宿頓之處預先搭蓋席殿仍量搭席

房以貯儀仗等物至陵執事官先陳龍輜於獻殿門外

候大昇輿至禮官詣大昇輿前跪奏請靈駕降輿升龍

輜詣獻殿執事官奉梓宮陞龍輜由中門入皇太子親

王俱由左門入遣官亦由左門入詣獻殿安奉訖謚冊寶等輿仍

陳於前行安神禮執事官陳醴饌如常儀設皇太子拜

位於梓宮前內侍導皇太子詣拜位贊四拜興贊跪奠

酒讀祝俯伏興贊四拜舉哀興哀止贊禮畢親王以下

陪拜如常儀百官俱於獻殿前鴻臚寺傳贊同遣官祀后土并天壽山洪熙以後俱同

日別遣官祭各陵儀同前但前各陳設酒饌贊再拜興酌酒讀祝再拜興禮畢後各四拜俟掩玄宮時至設遷奠執

事官陳醴饌如常儀設皇太子拜位於梓宮前內侍導

皇太子詣拜位贊四拜興贊跪奠帛奠酒讀祝訖俯伏

興贊四拜舉哀興哀止望瘞親王以下陪拜如常儀俱於獻殿前鴻臚寺傳贊同

退將掩玄宮內侍導皇太子親王以下詣梓

宮前跪內侍跪奏請靈駕赴玄宮俯伏興執事官陞奉

遷梓宮入皇堂安奉訖內侍捧謚冊寶置於前陳列明

器等畢行贈禮內侍官仍設靈座於獻殿上候安神主執事官陳醴饌於皇堂門

外奉玉帛安置於香案前設皇太子拜位於前內侍導

皇太子詣拜位贊四拜興贊跪奠酒贊進贈執事官

捧玉帛跪進於皇太子之右皇太子受玉帛獻畢以授

內執事捧入皇堂安置訖贊俯伏興皇太子俛伏興贊

四拜舉哀興哀止贊贈事畢內侍出遂掩玄宮掩畢行

享禮於玄宮前如遷奠儀遣官祀后土及祭天壽山後冊告謝

掩宮將畢內侍設香案於立宮門外陳醴饌如儀設題
主案於香案前西向設皇太子拜位於前北向內侍盥
手出主於案上題主官盥手西向題主畢內侍奉置於
神座藏神帛於箱中置其後內侍跪奏請太宗文皇帝
神靈上神主隆慶初全具尊號奏訖贊四拜興贊跪獻酒讀祝俯
伏興贊四拜舉哀興哀止焚祝內侍啟檀受主訖跪奏請
神主降座陞輿奉神主陞靈輿至獻殿上內侍跪奏請
神主降輿陞座奉神主即座訖隆慶初神主即座訖先行安神禮如前儀將回京別遣官以葬畢告各陵
行初虞禮執事官陳醴饌於神主前設皇太子拜位於
香案前內侍引皇太子就拜位贊四拜興贊行初獻禮
贊跪皇太子跪奠帛奠酒讀祝畢俯伏興亞獻終獻贊
四拜舉哀興哀止望瘞禮畢內侍捧神帛箱埋於殿前
屏處潔地焚凶器於野葬日初虞柔日再虞剛日三虞

後間日一虞至九虞止在途皇太子行禮還京皇帝親

行禮隆慶初自初虞至七虞在途八虞在城外俱護喪官行禮九虞還京上親行禮神主啟行將還內侍於

神主前跪奏請神主降座升輿還京奏訖俯伏興於靈

座上奉神主升靈輿進行儀仗侍衛如儀皇太子後隨

在途仍朝夕奠神主還京先於城外置幄次錦衣衛備

儀衛教坊司備鼓吹不作百官衰服奉候城外神主至

入幄次百官序列於前行五拜三叩頭禮畢候神主進

行百官後從至午門外儀衛等退導引官導皇帝衰服

奉迎於午門內神主至舉哀步導隆慶初世廟妃皇后太子王如公主及宮眷等俱迎神主於宮

門內舉哀神主陞几筵殿內皇帝立於殿上稍東西向內

侍於靈輿前跪奏請神主降輿升座奏訖捧神主安奉

於靈座訖隆慶初上親捧行安神禮執事官陳設如常儀內導引

官導皇帝詣拜位奏四拜興奏跪奠酒讀祝俯伏興奏

官導皇帝詣拜位奏四拜興奏跪奠酒讀祝俯伏興奏

四拜舉哀興哀止焚祝奏禮畢皇太子親王以下陪拜如

常儀百官於思善門外隨班行禮傳唱如儀隆慶初安神畢世廟妃皇后皇

子以下次如拜位舉哀各行謁見四拜禮明日百官行奉慰禮隆慶初無虞祭內侍陳醴

饌拜位於几筵前如常祭儀內導引官導皇帝哀服詣

拜位皇太子親王以下哀服各就拜位行四拜禮初獻

奠帛獻酒讀祝亞獻終獻贊四拜舉哀興哀止望瘞禮

畢卒哭用虞祭後剛日禮同虞祭自是罷朝夕奠至卒

哭之明日奉神主耐享於太廟儀具升耐下祭畢太常卿於神

主前跪奏請太宗文皇帝神主還几筵奏訖導引官導

皇帝捧神主由廟左門出至門外安奉於御輦儀衛繖

扇導從如來儀皇帝陞輅後隨至午門外儀衛止皇帝

至思善門降輅釋祭服易哀服隨御輦至几筵殿前內

侍於輦前跪奏請神主降輦升座內侍奉神主升座訖

內導引官導皇帝由殿左門入行安神禮如前儀禮畢

皇帝釋服還宮明日百官素服烏紗帽黑角帶行奉慰

禮

耐廟儀○卒哭之明日太常寺陳設醴饌於太廟如常

享儀樂設而不作設儀衛繖扇於午門外內侍官設皇

帝拜位於几筵殿上進御輦於殿前丹陛上內導引官

導皇帝哀服詣拜位贊四拜舉哀興哀止立於拜位之

東西向內侍詣靈座前跪奏請太宗文皇帝神主降座

升輦詣太廟耐享奏訖內侍捧神主安奉於御輦繖扇

侍衛如儀至思善門外皇帝易祭服陞輅後隨至太廟

南門之外降輅導引官導皇帝詣御輦前贊跪皇帝跪

太常卿跪於左奏請太宗文皇帝神主降輦詣太廟耐

享奏訖贊俯伏興皇帝俯伏興導引官導皇帝捧神主

由左門入典儀唱樂舞生就位執事官各司其事至丹
陛典儀唱太宗文皇帝謁廟內贊奏請詣神位前每至
一廟前內侍捧神主置褥位朝北皇帝於神主後行八
拜禮各廟俱八拜禮畢太常卿立壇東西向唱賜座皇
帝搢圭內侍捧神主進於皇帝皇帝捧神主安於座導
引官導皇帝詣拜位行祭禮如時享儀文官五品以上
武官四品以上隨班行禮禮畢仍奉神主還几筵至大
祥前一日遣官祭告太廟至日上祭告几筵殿奉安神
主神座儀物於太廟

洪熙元年昭皇帝喪禮○遺詔山陵制度務從儉約喪
制用日易月皆以二十七日釋服毋禁嫁娶音樂在外
親王藩屏爲重不可輒離本國各處總兵鎮守備禦重
臣及文武大小官員亦毋擅離職守聞喪之日止於本
處朝夕哭臨三日悉免赴闕行禮○部議自聞喪日爲
始不鳴鍾鼓在京禁屠宰十三日諸王世子郡王及王
妃郡主以下並遵遺詔喪服二十七日而除上尊諡次
日百官各具素服烏紗帽黑角帶於承天門俟開讀尊
諡詔

仁宗實錄洪熙元年夏六月己亥朔壬寅行在禮部以
大行皇帝喪禮儀注進命如儀行之其儀注一自聞喪
日爲始不鳴鍾鼓一在京文武官聞喪素服烏紗帽黑
角帶自明日始至第三日旦俱詣思善門外哭退於本
衙門宿歇不飲酒食肉第四日各具斬衰服至思善門
外朝夕哭臨三日又朝臨七日各十五舉聲止凡在朝
及衙門視事用布裹紗帽垂帶素服腰經麻鞋退居卽
服孝服通前二十七日而除一文武官一品至四品命

婦麻布大袖員領長衫麻布蓋頭清晨由西華門入思善門外哭臨三日而止悉去金銀首飾仍素服通前二十七日而除一在京以聞喪日為始禁屠宰十三日一軍民素服婦人素服不妝飾俱以聞喪日為始二十七日而除一聽選官辦事官監生人才吏典僧道耆老聞喪即易素服自次日至第三日每旦赴順天府朝闕設香案哭臨至四日百官各具衰服監生等素服朝夕哭臨三日又朝臨七日各十五舉聲止仍各具素服通前二十七日而除一外國四夷朝使行哭臨禮工部造與孝服一在京文武百官祭祀品物光祿寺辦一在內文武官吏人等遵依遺詔二十七日釋服後仍終太宗文皇帝服制一諸王世子郡王及王妃郡王妃郡主以下聞訃皆哭盡哀行五拜三叩頭禮畢並易素服第四日

易衰服遵依遺詔二十七日而除一遺詔到日在外文武官吏人等素服烏紗帽黑角帶行四拜禮跪聽宣讀訖舉哀再行四拜禮畢各置斬衰於衙門內望闕設香案朝夕哭臨三日各十五舉聲止自是素服通計二十七日而除一在外官聞喪命婦素服舉哀三日各十五舉聲素服通計二十七日而除軍民男女止素服十三日

出葬儀○洪熙元年八月辛卯行在禮部進仁宗昭皇帝梓宮出葬儀注一文武官自八月二十七日為始於木衙門齋宿至三十日早衰服朝一臨如儀至發引日止京師內外至耐祭日止皆禁音樂一自發引前三日禁屠宰至葬畢止一皇親公侯伯文武四品以上命婦九月初一日早服麻布大衫蓋頭赴順天府東設祭處

所恭候梓宮至共祭一壇祭畢各回一公侯伯忠勇王
外國四夷使臣共祭一壇皇親共祭一壇都督指揮共
祭一壇各部都察院等衙門官共祭一壇錦衣衛等衙
門官共祭一壇順天府并所屬官吏耆老共祭一壇在
外各王府所遣官共祭一壇自土城外至山口緣途以
次行禮一神主回日文武百官衰服出城迎接一神主
還行在錦衣衛置幄次備儀衛先於城外迎接一神主
祔廟文官五品以上武官四品以上俱各具祭服赴太
廟陪祭一文武官員監生人等不係分送者及應合祭
禮官員俱送出德勝門土城外行五拜三叩頭禮舉哀
畢辭回一緣途市巷軍民男女老幼等輦集之處遇梓宮
至皆跪俯伏舉哀候梓宮過輿一在外大小文武衙門
各分官送葬就於設祭壇所恭候致祭

祔廟儀○洪熙元年九月辛亥奉仁宗皇帝神主祔享
於太廟是日早上衰服詣几筵殿拜奉神主出思善門
外易祭服詣太廟由左門入至一廟神位前內侍捧神
主置拜位上於神主後行八拜禮以次至二廟三廟四
廟五廟行拜禮如初畢奉神主置座位行祭禮如時享
之儀文武陪祀官隨班行禮畢上奉神主還至思善門
外易衰服詣几筵殿行安神禮

郭正域皇明典禮志洪熙元年六月己亥朔上至自南
京先是仁宗皇帝上賓遺詔上蚤正大位宮中以上未
還秘不發喪至是驛報上至良鄉宮中始出遺詔文武
百官常服於午門外立班四拜聽宣讀舉哀四拜太監
楊瑛戶部尚書夏原吉禮部尚書呂震捧遺詔拜蘆溝
橋迎上蘆溝橋先設幕次香案聽宣遺詔哭盡哀易素

服行文武百官素服迎於都城外上至長安右門下馬
步行哭至宮釋冠服被髮詣梓宮前叩首哭盡哀宮中
自皇后以下皆哭盡哀上就喪次上母后親王以次見
上畢各就喪次自六月初三日聞喪為始二十七日而
除自七月初一日為始鳴鍾鼓上服淺淡色衣烏紗翼
善冠黑角帶於奉天門視事百官皆淺淡色衣烏紗帽
黑角帶朝參如常儀退朝仍終太宗文皇帝服制上曰
朕心何能忍雖加一日愈於已初一日仍素服坐西角
門不鳴鍾鼓百日後再議八月戊寅行在禮部尚書呂
震言仁宗皇帝喪服已百日請上易素服御奉天門視
朝上諭震曰皇考劬勞大德奄至遐棄梓宮在殯旦夕
瞻奉几筵中心何忍所奏候山陵事畢再議九月戊午
少師吏部尚書蹇義等議言皇上孝思無窮禮貴得宜

今耐廟後仍素服於西角門視事至孟冬歲暮行時享

禮太常奏祭祀是日鳴鍾鼓上服黃袍御奉天門視朝

上可其奏宣德以後俱如儀仁宗既耐廟遇祭祀上黃袍祭畢如

初禫祭後始釋服

宣德十年章皇帝喪禮

宣宗實錄行在禮部進所定儀注一自聞喪日為始不
鳴鍾鼓一在京諸王及王如公主以下聞訃詣几筵皆
哭盡哀行五拜三叩頭禮畢並易素服至第四日服衰
服遵依遺詔二十七日而除一在京文武官員聞喪素
服烏紗帽黑角帶自明日侵晨至第三日每日俱詣宣
武門南哭臨退於本衙門宿歇不飲酒食肉第四日各
具斬衰服至宣武門南朝夕哭臨三日又朝臨七日各
十五舉聲凡入朝及在衙門視事用布裹紗帽垂帶素

服腰經麻鞋退居亦服之通前二十七日而除一文武
官員一品至四品命婦悉去金銀首飾麻布大袖員領
長衫麻布蓋頭侵晨由東華門入至宣武門裏哭臨三
日退仍素服二十七日而除一在京諸寺觀各聲鍾三
萬杵一在京以聞喪日爲始二十七日而除一凡內外
祭祀翰林院撰祭文光祿寺備祭物一四夷使臣行哭
臨禮工部造與孝服一聽選辦事官監生人材吏典僧
道坊廂人等聞喪卽易素服自次日早至第三日皆侵
晨赴順天府望闕設香案哭臨第四日官各具斬衰服
監生人等素服朝夕哭臨三日又朝臨七日各十五舉
聲仍各素服通前二十七日而除一遺詔到日在外文
武官員人等素服烏紗帽黑角帶行四拜禮跪聽宣讀
訖舉哀再行四拜禮畢各置斬衰服於本衙門宿歇不
飲酒食肉每日率合屬官僚人等就本衙門內設香案
朝夕哭臨三日各十五舉聲自是素服通前二十七日
而除一在外官員命婦聞喪各就本家設香案素服舉
哀三日各十五舉聲素服通前二十七日而除軍民男
婦易素服十三日而除一官員軍民二十七日除服外
聽其嫁娶不禁音樂

乾學案明諸帝實錄俱載大喪儀注而會典
不盡載者以其禮文相類舉其一二端而其
餘從可知也今特於實錄中採仁宣二廟喪
禮以繼會典之後而其他亦略之蓋禮可以
互證正不必以繁爲貴也

成化二十三年純皇帝祔廟儀
明會典卒哭之明日奉神主祔太廟前期三日齋戒前

一日遣官以耐享祭告太廟至日太常寺官設牲醴於太廟如時享之儀樂設而不作設憲宗純皇帝御座於宣廟御座之次錦衣衛設儀衛於午門外是日蚤內執事官設酒饌於几筵設憲宗純皇帝衣冠於几筵前進神主輦於殿前設衣冠輿於丹陛上設上拜位於几筵殿上正中設親王拜位於殿前丹陛上上衰服內導引官導引詣拜位親王各衰服詣拜位奏四拜舉哀哀止各立於拜位之東西向內侍官詣靈座前奏請憲宗純皇帝神主降座陞輦詣太廟耐享上捧神主由殿中門出奉安於輦內執事官捧衣冠置於輿後隨內侍擎繖扇如儀至思善門外親王退上於右順門具祭服陞輅後隨至太廟南門外儀衛俱分列左右上降輅太常寺官導上詣輦前跪太常寺官奏請憲宗純皇帝神主降

輦詣太廟耐享上俯伏興搢圭詣輦捧神主由左門入內侍官捧衣冠隨入贊禮贊樂舞生就位執事官各司其事贊迎神主至丹陛上贊禮贊憲宗純皇帝謁廟內侍官捧衣冠立憲宗純皇帝御座之下引贊奏詣神位前至一廟上捧神主置褥位立神主後出圭行四拜禮以次詣八廟禮俱同謁廟畢上搢圭捧神主北向立太常寺官唱賜座內侍官捧衣冠安於座內上捧神主安於衣冠前出圭立於旁導引官導上詣拜位行祭禮如時享之儀文官五品以上武官四品以上各祭服隨班行禮禮畢奉神主還几筵至大祥後二日奉神主安於太廟前期三日齋戒前一日遣官詣太廟行祭告禮用祝文至日侵晨設酒果於几筵殿設神主輦一冊寶亭二於殿前丹陛上上服淺淡服行祭告禮畢司禮監官

詣凡筵殿前跪奏請神主陞輦詣太廟奉安奏訖內侍
捧神主冊寶俱由殿中門出安奉於輦及冊寶亭內侍
擎執繖扇侍衛如儀上隨行至右順門上易祭服陞輅
後隨至午門外儀衛繖扇導至廟街門內分列於太廟
南門外之左右上降輅司禮監官導上詣神主輦前贊
跪上跪司禮監官跪於上左奏請神主奉安太廟奏訖
贊俯伏興上俯伏興導引官前導內侍捧神主冊寶前
行上隨後由中門入至寢殿奉安訖上叩頭興導引官
導上由殿東門出至丹陛上祭祀如時祭儀用祝文文
武官具祭服隨班行禮

嘉靖四十五年肅皇帝喪禮

明會典遺詔喪禮依舊制以日易月宗室親郡王各處
總督鎮巡三司官各於本處朝夕哭臨三日進香差官

代行衛所府州縣并土官並免進香郊社等禮及耐葬
耐享各稽祖宗舊典斟酌改正○部議一發喪殿下括
髮詣大行皇帝宮內舉哀哀止小斂括髮設奠不用舉哀
歸喪次皇貴妃等妃殿下如皇孫涇簡王妃等妃景恭
王妃甯安公主舉哀禮同哀畢各歸喪次○是日頒遺
詔○一大斂殿下素服束髮詣大行皇帝前舉哀設奠
不用大斂奉安梓宮設几筵安神帛立銘旌哭盡哀皇貴
妃殿下如皇孫及各王妃公主哭臨禮皆同○一成服
殿下服衰服詣梓宮前舉哀行奠祭皇貴妃殿下如皇
孫及各王妃公主皆成服各設祭一壇六尚及宮人各
隨祭禮畢各歸喪次○是日內宮內使祭一壇以上祭
俱用文○
次日公侯駙馬伯五府六部等衙門共一壇文武三品
以上命婦共一壇○一每七及百日殿下一壇皇貴妃

言部考卷二
等妃其一壇殿下妃一壇皇孫一壇涇簡王妃等妃其一壇景恭王妃一壇甯安公主一壇○一內外官員軍民人等及各王府夷使禮並與洪武永樂同

東府啟請儀注世廟初崩穆廟時在東府故詣啟請○內閣等官詣府啟請

於門外一拜三叩頭以啟本及儀注交與承奉捧入殿

下覽啟本訖舉哀具黑翼善冠青布服黑角帶傳旨內閣等官先行乃乘轎啟行輜用青布帷官眷暫留府中兵部錦

衣衛添撥官軍官校守衛候旨宣入後於十五日五更入居乾清宮西煖閣

入內儀注○一駕由東安門入將至乾清宮門前下轎

步哭釋冠服被髮詣御榻前五拜三叩頭周視御體且

視且哭視畢至喪次皇貴妃等俱不相見○一至喪次

命司禮監云說與內府各衙門查照舊規辦理喪儀諸

務不許遲誤又云說與皇城內外官員嚴謹守衛仔細

關防不許疏忽又云著一箇文書官去問內閣告內殿

怎麼行禮著具儀注來看司禮監各承旨傳行其小斂

等項依欽天監所擇日時行儀注另具○一臣等具告內殿儀

注同遺詔藁親齋至駕所在之處承奉捧入進呈候覽

訖如有更改逐一批示臣等另具藁上進如無更改承

奉傳示臣等書寫仍命司禮監官一員同臣等看用詔

書寶并頒詔供事○一次日頒遺詔命司禮監云說與

禮部會同翰林院具大行皇帝喪儀來看又云說與兵

部并京營提督官選撥官軍於皇城京城各門嚴謹守

備又云爾每會同內閣查照舊規報訃於各宗室

擬告內殿儀注○茲奉旨命臣等具告內殿儀注臣等

謹案累朝實錄止言以大行皇帝賓天告內殿而不載

告文亦不言是親告或遣某官告及具何項儀物蓋因

初喪哀痛荒迷故不用文亦不親告又其時未頒遺詔故不遣大臣又因凶事故不具酒果脯醢等今擬命司禮監官一員具香燭恭謁跪告云大行皇帝於某日某時賓天謹用告知告畢三叩頭而退遣官烏紗帽素衣黑角帶伏乞裁定施行

大喪儀注○十五日發喪不鳴鍾鼓殿下素衣詣大行

皇帝前舉哀哀止小斂括髮設奠不用文舉哀歸喪次皇貴

妃等妃殿下妃皇孫涇簡王妃等妃景恭王妃甯安公

主舉哀禮同哀畢各歸喪次是日頒遺詔十六日大斂

殿下素服束髮詣大行皇帝前舉哀設奠不用文大斂畢奉

安梓宮設几筵安神主立銘旌哭盡哀皇貴妃等妃殿

下妃皇孫涇簡王妃等妃景恭王妃甯安公主哭臨禮

皆同十七日成服殿下服衰服詣梓宮前舉哀行奠祭

禮皇貴妃等妃殿下妃皇孫涇簡王妃等妃景恭王妃

甯安公主皆成服各設祭一壇六尚及宮人各隨祭禮

畢各歸喪次是日內宮內使祭一壇已上祭俱用文

隆慶元年進呈尊諡議文儀○先是敕諭文武羣臣議

上尊諡至期前一日鴻臚寺官於宣治門設諡議文案

是日蚤上具衰服隆慶六年上具素翼善冠麻布袍腰紐御宣治門捧諡議官立

於階之東文武百官各具素冠服隆慶六年百官烏紗帽黑角帶皂靴詣丹墀

贊行四拜禮興禮部官出前跪奏進尊諡議文奏畢復

位序班二員引班首官稍進前捧諡議官以文授班首

官班首官受議諡文由中道進將至御前序班贊進尊

諡議文上起至諡議文案之北班首官進諡議文置於

案贊跪百官皆跪上覽畢召翰林院官趣至前跪上以

諡議文授翰林院官命撰諡冊文翰林院官受訖捧從

中道出上復坐贊俯伏興班首官復位贊行四拜禮畢
序班徹案上還

隆慶元年尊諡頒詔儀○先期鴻臚寺設詔案於皇極
殿內東錦衣衛設傘蓋於皇極殿前至日蚤百官各具
素服烏紗帽黑角帶於承天門外伺候上御中極殿具
黑翼善冠白素袍黑犀帶執事官先行五拜三叩頭禮
鴻臚寺官奏請陞殿導駕官導上御皇極殿鳴贊訖序
班舉詔案於殿中翰林院官捧詔立於左鳴鞭唱頒詔
翰林院官以詔授禮部官禮部官受詔置於案序班舉
案由殿左門出錦衣衛用傘蓋迎至承天門上百官入
班鳴贊唱四拜稱有制唱跪開讀訖再唱行四拜禮鴻
臚寺官傳奏禮畢百官退詔書迎至禮部授使者頒行
天下

明典禮志世宗梓宮之陵遣駙馬都尉各文武送葬官
步送至德勝門外騎送至天壽山紅門外仍步至陵

讀禮通考卷第七十一

禮記卷第七十一 禮記卷第七十一

